


湖廣通志

自卷七十至
卷七十一

庫文閣内		
四 函	三 九 六 九	漢 書
九 架	六 冊	類

庫文閣内		
九 函	三 九 六 九	漢 書
三 架	六 冊	類
(六八五ナ)		

内閣文庫		
番號	漢	3969
冊數	692 (486)	
函號	291	97



綴じ部(喉部分)の文字等が開きが不鮮明な場所あり

湖廣總志卷第七十

淺草文庫

日山列女

昔詩稱文王化行江漢而關雎實始風焉女德之所維

繫於世教也豈淺渺哉然考之二南所陳締結之爲醜

壘之酌筐筥錡釜之陳與采芣苢抱衾裯伐條枚皆有

家之庸行而幽閒貞靜之德隱然見乎其詞焉蓋當其

時人有和平之福國亡天札之虞閨媛奇節無可表者

于建柏舟日月綠衣終風吝嗟怨懟抑鬱傷感而風始

衰矣三代而後標女則者莫具于劉向奏御十五篇其


所采多卓犖奇節夫所謂奇節者蓋吝嗟怨懟抑鬱傷

感之事非婦人之幸也當其不幸而其中無以底定之則倫潰法斃波靡之會將何極焉乾坤不幾于毀耶世風日降矣操彤管者又不得不略庸行而張奇節也楚故江漢地文王后妃之懿德在焉故令妻賢母乳妾貞婦不絕于世而輜軒之使環轍而采風焉猶之古也窮遐幽側未易章徹即今郡邑所識亦存其十一耳知不可悉姑掇其所聞見者列于篇庶籍以復正始之教云

周○妙氏文王后妃有幽閒貞靜之德宮中之人爲之采蘋夫人南國諸侯妻被文王之化能盡誠敬以奉祀家人爲之味采蘋

采蘋夫人南國大夫妻能奉祭祀家人叙采蘋事以美之其于南國也

列國○楚鄧曼武王熊通夫人通使屈瑕伐羅闞伯比送之還謂其御曰莫敖必敗舉止高心不固矣遂見通曰必濟師通辭入告夫人鄧曼曼曰大夫其非衆之謂其語君撫小民以信訓諸司以德而威莫敖以刑也莫敖徂於蒲騷之役其不設備乎莫敖果敗後復伐隨通曰余心蕩鄧曼嘆曰王祿盡矣盈而蕩天之道也先君



其知之矣故臨武事將發大命而蕩王心焉若師徒無
虧王薨于行國之福也通卒於軍
子發母子發楚大夫攻秦絕糧使人請之因見母母曰
士卒得無恙乎對曰分菽粒而食之曰將軍得無恙乎
對曰秦黍足食子發敗秦而歸母閉門不納使人數之
日子不聞越王伐吳客有獻酒一器乃注之江使士卒
飲其下流獻糗一囊分而食故戰自力今使人入於死
地而自康樂於其上雖勝非法吾不取也子發謝罪然
後納之

楚莊王妾王好儼姬諫不止乃不食禽獸肉上

龍孺勸于政一日聽朝罷宴姬曰何晏也得無饑倦乎
王曰與賢者虞丘子語爾姬笑曰虞丘相楚十餘年所
薦非親則故未聞進一賢也王具告之虞丘子不知所
對遂進孫叔敖相楚而霸


貞姜齊侯女楚昭王夫人王出遊留漸臺之上而去王
聞江水大至使迎夫人忘持其符夫人問符安在使者
曰水方大至若還取符恐後矣夫人曰貞女不犯義勇
者不畏死守一節而已妾知從使者必生留必死然棄
烈越義而求生不若留而死於是使者取符則水大至
臺崩夫人流而死

接輿妻接輿躬耕以爲食楚王使人持金百鎰車二輛迎之使至淮南接輿笑而不應使者不得與語而去妻從市來接輿語之故妻曰義士不爲貴而易操不爲賤而改行妾事先生躬耕以食親織爲衣據義而動其樂亦足矣若受人重祿何以待之接輿曰吾不許也妻曰君使不從非忠也從之又違非義也不如去之夫負金甌妻戴絰器莫知所之

老萊妻老萊耕於蒙山之陽楚王聞其賢請以爲輔老萊曰諾其妻載畚策而來老萊具言之妻曰妾聞可啖以酒肉者可隨以鞭朴可餌以官祿者可繼以斧鉞妾不能爲人所制投其畚策而去老萊從之

於陵子妻楚王欲以於陵子爲相入與妻計之曰楚欲相我爲相則結駟連騎食前方丈可乎妻曰夫子織屨以爲食非與物無治也左琴右書樂亦寓焉夫結駟連騎所安不過容膝食方丈于前所甘不過一肉以容膝之安一肉之味懷楚國之憂惡乎可乎亂世之害妾恐爲先生危之於是出謝使者遂相與逃去

伯嬴平王夫人昭王母也吳入郢昭王亡吳王閻問畫妻其後宮次至伯嬴伯嬴持劍曰妾聞天子者天下之表也諸侯者一國之儀也夫婦之道固人倫之始王教



之端是以明王之制使男女不親授坐不同席食不同
器殊梳栢異巾櫛所以別之也今君棄儀表之行事何
以行令訓民且妾聞生而辱不若死而榮使君王棄其
儀表則無以臨國妾有淫也則無以生世一舉而兩辱
妾以死守而不敢承命於是吳王慙而退

越姬越王勾踐女楚昭王姬也王讌遊同姬乘駟馳逐
遂登附柱之臺以望雲夢之園觀士大夫逐者既罷乃
顧姬曰樂乎姬曰樂矣然而不可久也昔者先君莊王
淫樂三年不聽政事終而能改卒霸天下妾以君王為
能法吾先君將改斯樂勤于政也於是王悟敬姬之言
貞姬楚白公勝之妻白公死妻紡績不嫁吳王聞其美
且有行使大夫持金百鎰白壁一雙聘焉以輜駟三十
乘迎之將以為夫人姬曰白公生時妾幸得充後宮託
為妃匹白公不幸而死妾願守其墳墓以終天年金璧
之聘夫人之位非愚妾所聞也且夫棄義從欲者汗也
見利忘死者貪也貪汗之人王何以為哉妾聞之忠臣
不借人以力貞女不假人以色妾既不仁不能從死今
又去而嫁不亦太甚乎遂辭聘而不行吳王賢其守節
有義號曰貞姬

浣紗女夷陵人楚伍員奔吳遇女浣紗於河員囑之勿

以告後至者再三顧之其女懼其疑已遂抱石投江而死後人立廟于河側

孫叔敖母叔敖兒時出遊見岐頭蛇殺而埋之歸見母而泣母問其故對曰吾聞見岐頭蛇者死今出遊見之母曰蛇安在曰吾恐他人復見殺而埋之矣母曰汝不死矣有陰德者陽報之德勝不祥仁除百禍况天處高而聽乎爾其嘿之必興於楚及長果爲令尹

武昌府志 ○張氏江夏民婦里惡少謝師乞過其家持刀逼欲淫之張大罵曰庸奴可死不可辱也師乞以刀斷其喉未卽死猶能擒師乞告隣人遂死嘉祐中封旌德縣君表其墓曰烈女賜酒帛令郡縣歲時致奠

元 ○魏雲瑞妻宋氏蒲圻人元季兵亂歲荒雲瑞卒于齊安宋氏撫孤成立扶夫觀涉江歸厝躬督仲子觀勵志讀書爲名儒

王允茂妻左氏江夏尉延慶孫女元季兵起允茂避亂榔東斬黃左氏備嘗艱苦及寓閩泰寧允茂卒于官子愷甫九齡邵武衛官吳某謀欲娶之左乃抱子呼天矢死扶夫柩返葬躬緝教子歷官官僚

王蘭孫妻劉氏蒲圻人年二十六而蘭孫死子德俊甫六歲德原生僅三日姻婭欲奪嫁之劉誓死靡他撫鞠

二子至正壬辰兵起斬黃踪踐鄉邑而二子奉母周旋獨完其宗人以爲貞節之報

周憲章妻石氏江夏人至正中從父祿仕于公安夫喪織紵撫孤四十年饑寒不易以壽終

本朝○孟福妻張氏江夏人年少夫亡守節無二洪武中旌弘治中市火延燒旌坊獨存

梅福妻馮氏江夏人年二十八福没于兵馮力負孝養舅姑守節洪武中旌

曾日養五舅妻陳氏江夏人夫没于兵陳守節孝事舅姑洪武中旌

李仲富妻任氏嘉魚人二十夫亡守節終洪武中旌

廖秉一妻蔣氏崇陽人年二十一遺娘子福艱苦守節求樂中事聞

陳得顯妻張氏江夏人年二十七顯卒一子幼張勤儉治家養姑宣德中旌

蔡洙妻馮氏武昌人洙以明經授廬陵主簿卒于官馮時年二十九抱孤扶襯斷髮自誓苦節四十餘年有司以聞正統中旌

郭英妻朱氏武昌護衛人年二十五守節終老成化中旌

丘達妻楊氏江夏人達為諸生天死楊守節二十五年

成化中旌

陳玉妻康氏武昌護衛人夫亡年甚少撫幼子力貧守

節年八十五成化中旌

劉思中妻吳氏江夏人年二十三守節成化中旌

陳志妻彭氏武昌衛人志任千戶彭年十八歸甫數月

志卒遺娠生子世其官成化中旌

運輔妻任氏蒲圻人年二十而夫死生子甫七月事姑

以節終成化中事聞

任勝聰妻曾氏名淑清蒲圻人勝聰卒時曾年二十七

僅七月弘治中事聞

胡鎮妻陳氏江夏人鎮任千戶卒時陳年十九無子守

志以老弘治中事聞

陳鎰妻郭氏江夏人鎰為諸生死時郭年二十六正德

中旌

吳傑妻審氏江夏人年二十傑卒審號慟幾絕母戚欲

奪其志審刺面自垢持節五十七年正德中旌

周子儉妻易氏武昌人儉為諸生卒易時年十九正德

中旌

張隆妻劉氏嘉魚人正德中流賊入境劉匿草澤間賊

拽出欲虜以行劉以衣結其體蟠坐於地賊不能汚因殺之蟠坐如生

陳思忠妻王氏咸寧人無子守節四十餘年正德中都御史吳廷舉獎

楊益妻吳氏崇陽人益為諸生卒時吳年二十三子在襁褓守志甚苦正德中監司獎之

張綱妻劉氏咸寧人適綱甫七月綱死無子家貧守節至老正德中都御史吳廷舉獎

謝存憲妻趙氏蒲圻人趙年二十五存憲卒撫孤二子又卒趙偕孀婦龔氏紡績甘貧誓死守節嘉靖中


李氏女名閨考嘉魚人父為臣舉鄉試閨考積苦書母周氏疾革割肉為湯進母疾遂愈

李儒妻段氏嘉魚人年甚少一子襁褓或勸再嫁段曰李氏惟此一息可携入他人門此卒不可奪

袁友正妻盧氏咸寧人友正卒於廬晝夜哭於壙一日忽謂家人曰袁子至矣速為我治棺具言竟而卒

嚴某妻馮氏名慕潔與國人許聘嚴氏嚴卒馮往哭之成服踰年舅姑皆卒力殯三喪後貧乃依弟又貧終身安之有司歲給米帛

馮鰲妾谷氏順天谷祥女歸鰲於賈肆鰲亡谷年二十



與妻某氏皆無子相誓死守紡績易食歲時偕詣夫墓
往返三十里路遇行旅迂途避之長妻死窮益甚苦節
益堅事聞

徐廣妻舒氏嘉魚人廣客東吳溺死父母憐其少而貧
欲奪其志舒誓不改卒年六十二

周貞妻劉氏名茂惠興國人父英謫任海鹽以茂惠適

周貞貞歿英亦歿劉還興國時年二十餘依舅以老

方時守妻杜氏武昌人守病篤杜割股和藥以療守竟

不起杜氏哀毀如禮具潔自持壽六十餘終

張經世妻石氏崇陽人未笄夫死且墓石成服而臨其

穴朝夕哭奠誓事舅姑甚孝已而舅姑死不毀傷竟不

起

劉壽暹妻陳氏興國人暹亡無子遺兩妾陳禮嫁之苦

節四十餘年知州戴大禮以事聞 詔旌其門

危景福妻馮氏江夏人適危時年方穉事舅姑孝敬二

十五歲而夫卒馮氏撫孤鳳雛成立未幾而鳳雛夫婦

亦卒馮貧苦無依孫昂甫二歲馮又撫之孀居六十餘

年年九十一終萬曆三年巡按御史李棫奏 聞旌表

歐陽金貞江夏人故知縣歐陽梧女許配羅欽仰梧之

官携欽仰以隨墮水死時女甫數歲即截髮繫臂矢無

他志梧還籍貞請往事姑姑死依梧獨棲一樓年四十
三歲無疾而卒

鄭鑾妻余氏咸寧人鑾爲諸生早死余年二十餘以死
自誓守節四十餘年卒年七十一

諸生王子英妻傅氏咸寧人年二十五夫亡一子甫五
歲撫之成立娶婦二週子又卒守志不變卒年七十三
諸生趙麟妻余氏咸寧人年二十五夫卒無嗣慟絕復
蘇誓不再醮孀居四十餘年隆慶六年奏表其門

阮興妻全氏通山人年十九夫亡遺腹生一子繼姑欲
奪其志不從守節終身

郭文妻龔氏武昌人年二十一夫亡舅姑以家貧年少
欲嫁之誓死不從歲饑甚不少變節縣官奉榜例賑之
張鑾妻胡氏武昌人年二十四鑾卒遺腹三月生子楷
家貧苦節舅姑欲嫁之陰納東里鄭氏子聘胡聞號泣
欲自盡舅姑知志不可奪乃以已女代歸于鄭胡氏以
節終身焉

諸生邵柯妻唐氏武昌人柯卒舅姑哀其年少欲令改
適唐矢志不二後舅姑相繼歿柯弟一子亦飄零無依
乃歸依其兄弟苦節二十年而卒

黃琦妻黎氏武昌人年二十琦卒誓不再醮奉姑卓氏

誨子朝儒人無間言卒年八十六

盛仕潛妻舒氏武昌人年二十一仕潛卒悲號垂絕矢

志甘貧奉母余氏哀毀盡禮鄉隣重之

曹通妻李氏武昌人年十七適通通卒遺有二孤李撫

而鞠之以節自守

黃開妻宋氏蒲圻人學正宋愿女也開早死無嗣誓不

更嫁以姊子沈為後節操貞白以上壽終

張鳳妻劉氏興國人鳳歿劉年二十母因其少且無子

欲奪其節劉噬指誓守年八十卒

漢陽府采○汪母漢陽人子涯不附賢以道過之死母

訣曰况以直死可以下慰先人矣亦自沉于江

元○武僉事妻陳氏漢陽人武卒父母迫之陳對鏡以

墨刺面為痛念夫情四字誓不再嫁

劉通判妻梁氏漢陽人劉卒梁終身不出門事聞旌表

本朝○鄭必貞妻廖氏漢陽人貞亡年十六剪髮自誓

養姑至老不衰洪武中旌

馬天慶妻龔氏漢川人夫卒時年十五子方歲餘家貧

紡績養姑撫孤成立洪武中旌

李真妻黃氏漢陽人真卒年二十八家貧極力盡孝

以事舅姑遺子暹就學發身科目孀居四十三景泰

中旌

李純妻周氏漢陽人夫亡年甚少事姑盡孝殯葬以禮教子恕歷官府同知守節五十餘年成化中旌

李昂妻郭氏漢川人年二十三守節

胡鎮妻陳氏漢陽人年十九甘貧守節撫遺腹子孀居

長承其世祿弘治中事聞

張敬妻董氏漢陽人天順二年敬疫死董年二十一無

子孀居卒年七十有五

戴忠妻唐氏漢陽人唐思敬女年及笄歸戴載歲生子

伯宣甫數日而忠卒唐年二十五持志無二撫伯宣成

亦早卒姑婦相守唐卒於弘治壬戌年八十有一歲

一紀李世稱一門雙節云

鄧昇妻王氏漢陽人昇死遺孤二歲王年二十二孀居

七十餘年卒

舍人吳佺妻張氏漢陽人年二十五佺死遺孤才數月

家貧甚張守志撫孤僅免饑寒嘉靖癸巳年八十有八

卒

李和妻岳氏漢川人年二十二和卒撫孤長玉成立守

節四十餘年卒

節四十餘年卒

雷溥妻李氏漢川人年二十五溥卒守節終其身

諸生朱襄妻羅氏漢陽人襄泛舟江上遇盜溺水死羅

年二十五其子之藩甫七歲羅守節撫孤比長襲千戶

職娶牟氏生子昌已而之藩死牟年二十二亦矢節奉

姑以終身焉

黃州府元○趙政二妻武氏斬水人年三十三夫卒家

貧守節事舅姑尤謹事聞受旌

黃梅伏氏女至治時人少許聘未婚而夫亡女誓不嫁

以養父母嘗為母叱咄母奉愈茲年二十七里人哀之

號曰孝女相傳有年

張氏二女斬水人父任總管長女年三十二次女年一

十九俱未適人至正辛卯寇逼斬二女與父相失姊妹

相語曰我世宦之家豈被賊辱乎即挽手赴蓮花池死

邑吏蒲忭女麻城人年十六為紅巾賊所執欲污之女

給以隨我至下山橋淨處來賊謂為然比至女拔髮簪

抉其一目賊恨而追刃之罵不絕口死

本朝○熊谷真妻魏氏黃岡人夫亡一子在襁褓而貧

依父母織紉自給年踰八十以節終洪武中旌

甘原禮妻王氏斬水人年二十四歸甘肅二載禮卒孀

居五十二年洪武中旌

徐宗妻朱氏廣濟人年二十一守節不移洪武中旌

羅冠妻陳氏蘄人甘貧守節永樂中事聞

劉漢妻張氏麻城人漢任商水知縣流寇至城陷張同女鸞山縊死正統中旌

鄧鑑妻盛氏黃陂人鑑任光祿署丞以土木之難歿于陣盛時年二十七矢節撫孤瓊後以恩錄仕為裕州守盛九十餘卒有司表旌其門

陳溥妻呂氏蘄水人守節成化中事聞

何儀妻張氏廣濟人守節無玷正德中旌

張氏女蘄人父文秀為諸生正德中流寇至文秀載妻女避山磯窰中寇獲女欲污之女罵不從并其母丘氏殺之

李富妻項氏黃岡人正德中為流賊徐彥明所劫項給賊防閑少踈投江死

陶氏乳名黑女羅田人正德年間被流賊擄獲欲污不從罵賊而死

周弘烈妻李氏麻城人烈病李年二十與夫約願先死以明志及夫危不食而死次日夫卒

張義妻徐氏蘄水人年二十歸張義逾三歲而夫亡無子以夫弟之子美為後撫之美為邑諸生亦早死其妻

王氏與徐氏同盟不再嫁

周錦妻李氏羅田人錦舉鄉試卒無子李誓志自守以

貞節聞

江尚忠妻周氏羅田人年十五歸尚忠三年而夫死一

子甫半歲周氏與姑同守鄉人多求娶者姑有許意周

氏以死自誓事姑曲盡孝道後姑得末疾周左右扶持

晨昏不替

王必文妻許氏羅田人年十八歸必文生一子甫一歲

而必文死三年服闋公姑宗族強再適許氏誓死不從

事公姑以孝稱

田祿妻黃氏蘄水人祿為諸生早卒黃貧苦自勵誓死

不渝事聞

蔡亦忠妻王氏廣濟人亦忠卒姑暨族人迫嫁之赴水

死族人惡之寔于水許是歲大旱縣令徐愷集衆議改

葬之雨隨降

余忠妻聞氏羅田人素賢孝事舅姑甚謹一日姑病劇

遂夜出戶割股作糜進之姑病即愈逾十年姑卒越二

十年聞氏亦卒

徐九叙妻張氏廣濟人節婦張氏姪女年十九叙卒歿

時裂鏡納其半於棺誓無他志以貞白終

明倫彙編

卷六

列女


劉氏文羅田人許配姚相未昏而相死隣人張正位與人爭娶速之訟女不從乃自縊死巡按御史桂榮鞠得其情行督學應檀下檄郡縣博士弟子核實奏聞旌表余文瑞妻周氏黃岡人嘉靖中文瑞登進士卒于京周嘔血仆不食廖學士屬內人慰之曰而女將笄矣非夫之女也乎周方甦哭曰吾爲爾累不得殉死比歸以女授其母曰吾得死所矣家人慎防之得不死三年晝夜號泣面垢髮結以夫衣履爲衾枕朽而不可死亦不歸女婢浣衣誤置男子衣焚之內外肅然

楊果妻劉氏斬人果爲諸生無子死劉以節聞

鵬妻盧氏黃岡人夫卒痛哭嘔血遂自經死嘉靖中

鴻妻張氏羅田人年十六歸程家生子升八月而卒時年十九痛哭幾絕杜門育孤至親亦不輕見其逼之改節張憤激舉茶甌以擊兄而幾死嗣後無敢其志者孀居五十餘年以完節終

瑛妻胡氏斬人教授胡顯之女侍父任綿州通安縣子熊瑛生子甫月瑛卒胡請奉瑛柩還武昌父母已家綿州難其少而寡也欲留之舅姑亦憐而聽之胡初若不省者止曰兒熊氏婦奚留爲遂不可強嘗有危疾



瑛弟善醫將診其脉胡曰嫂叔不相問禮也吾未亡人耳安用藥聞者躓之年八十二屬疾革新婦治浴具戶外有童子聲猶強視呼出者再而絕其孫婦嚴氏年二十歲夫熊棣卒守節如其姑云

易宗元妻潘氏斬人適宗元九年而寡潘泣至嘔血垂絕者三髮結不理于東南一歲誓志撫之居孀六十五年壽九十一卒有司以聞

馬廷實妻劉氏斬人歸廷實廷實儒生貧甚劉績絰供姑年甫二十廷實死遺弱息如駕劉撫之為諸生偶溺死遺孫甫三歲劉又同媳潘氏撫之以延馬嗣事聞萬曆中旌其明

熊氏女名仙麻城人庠生熊幼學女許聘劉子正之子康未婚康偶病女日夜殷憂康病篤女知不起割左股遺康康食之竟卒訃聞女號慟誓以必死父母多方曉諭之不能解曰不令我哭于劉吾終不能生父母懼其即死携往哭于康之柩痛絕復甦姑泣勸之曰汝未適吾兒何必死女曰吾以股食之即以身事之矣不死何歸自是屢經家人護之密不得竟以首觸柱死巡按御史舒鰲給銀與康合葬都御史趙賢以其事聞詔旌表其門仍復其家

諸生黃綸妻徐氏羅田人年十七歸綸繼姑利所有以
富前子歸僅半月姑不遂所欲計逐氏莊居綸因而疾
作徐氏侍疾惟謹夫稍悔悟月餘有娠生子可行六月
而綸亡徐氏哀毀骨立欲以身殉時年十九矣姑仍害
視之年餘私通媒氏欲強奪志徐氏不從持刀以刺媒
氏疾走得脫隨携幼以告媪母欲托孤以求自盡媪母
力憫乃止姑疾作徐氏謹侍湯藥及沒居喪如禮可行
年二十餘卒無嗣氏節益堅家貧辟纒傭菜以自贍
張燾妻蔡氏羅田人年二十四歸燾燾爲諸生蚤死生
子桓甫四月父母憐其少且貧強令再適張以刀斷髮
向夫極焚之誓無他志年八十卒

李渭妻潘氏蘄水人年二十一適渭而一歲渭卒踰五
月生子孀居五十九年以完節終

劉承釗妻呂氏蘄水人年二十歸承釗生子淳未幾而
承釗沒甘貧自勵孀居五十八年

周道妻胡氏蘄水人諸生周鳴球母也年十七適道越
三年道卒鳴球在襁褓中誓撫之舅姑憐其少欲令改
適胡以死辭孀居踰六十年

諸生周鳴復繼妻楊氏蘄水人年十九夫卒撫前妻之
子延祚如已出誓不再嫁父母不能奪事舅姑以孝至

老不衰

汪弼繼妻胡氏斬木人年二十三夫卒撫妾楊氏遺腹之子楊氏亦與嫡相誓願為雙節家貧織紉自給晏如也事姑孝敬富貴者多欲娶之志竟不變

王仲模妻楊氏斬木人年十五適仲模越二年模卒父母強之再醮楊斷髮自誓敬事二姑撫其弱子至老完節

周大權妻趙氏斬人年二十七夫權死趙哀毀幾滅性遺孤祉甫數月多痰疾家復凋零人皆難之趙泣曰妾未即死者以姑老子弱爾若復有他志其何以見吾夫於地下乎乃未謝鉛華以季子之子禧伴撫孤祉比長業儒有成禧且為侍御史趙矢志之功也孀居五十餘年言涉所天輒哽咽淚下其貞性若此

曹行仁妻徐氏斬人仁喪徐年二十矢志侍姑家無擔石儲隣人或憐其寡助之徐悉却不受雖饘粥不贍處之泰然有欲奪其志者徐遂毀面幽居六十餘年

衛舍楊杲妻華氏斬人年未二十而杲喪華誓不更適深居闔閭中課子芳讀書每夜分不倦芳因奮勵獲薦于鄉亡何芳亦先母而死遺媳田氏年少且乏嗣華憐之田曰吾姑為舅氏以撫吾夫乃有妾今吾夫不能為

姑以少待所委者皆妾也妾不能爲吾夫以終吾姑他
日何面以見吾夫耶姑媳礪志相守每感節序二婦迭
哀聞者悲之華年逾八十田年亦六十有三鄉人並重
貞節云

程啓妻查氏廣濟人年十九啓死氏堅守一節至七十
七歲而終

馮末妻陳八娘黃梅人張仕忠女也未樂中適末僅二
載末以綱運赴京溺不死八娘聞之水漿不入口者七
日戚里以有公姑在慰之始活時年二十一父母慮其
少欲使再嫁八娘輒痛號竟不可強壽七十餘終

嚴高妻郝氏聖貞黃梅人高死氏年二十五厲志自守
家人不敢以再醮字失口正德間邑中士民高其節白
之當道奏案禮部檄黃梅建坊旌表有司以年穢尋罷
陳氏黃梅人諸生陳通之伯母也通世父及父俱亡氏
年十六無子與通母撫孤承祀一日盜猝至通幼被執
將殺之氏走告曰一家之命懸於此子吾二婦所依賴
者今若此則死一家三命矣幸以氏代賊怒割之血迸
流不止賊駭之兩釋去壽七十餘終

胡鷄妻陳氏黃梅人性嚴毅有烈丈夫風年十六歸於
鷄時鷄以疾革氏宵旦號泣請以身代明年鷄卒氏幾

欲引絕以闕之者力不可得乃毀容瀝血誓死靡他已
乃家益窘始乞其伯之子為嗣苦節四十餘年
下侗妻彭氏黃陂人年十九適侗甫九年而侗卒無子
彭氏時年二十七矢志不再醮力貧以事姑姑亡殯塋
如禮况彭洪欲奪其志氏峻詞拒之終身不至洪家及
卒親隣憐而殮之

諸生王循武妻梅氏黃陂人年二十二適循武甫五月
循武卒遺腹生子孝梅撫之力女王以自給正德七年
流賊入境被執不從刺其面幾死年六十餘

戴香妻王氏黃陂人年二十一適香年二十一歲無子
夫死時年皆二十至正中旌

本朝○馬把覽妻王氏沔陽人年二十五夫死力貧守
節永樂間旌

吳景妻任氏沔陽人景卒任年二十有五誓以死守躬
自訓子欽十年不出戶姑病痿痺抱持左右寢處必偕
夜每焚香額天願以身代有嘔吐則舉盂以俟急或手

承天府元○張楚才妻翟氏吳伯璋妻王氏俱景陵人

三十年夜夢此逝之起治棺具卒於道探舉皆領鄉薦

夫死時年皆二十至正中旌

本朝○馬把覽妻王氏沔陽人年二十五夫死力貧守
節永樂間旌

吳景妻任氏沔陽人景卒任年二十有五誓以死守躬
自訓子欽十年不出戶姑病痿痺抱持左右寢處必偕
夜每焚香額天願以身代有嘔吐則舉盂以俟急或手

夜每焚香額天願以身代有嘔吐則舉盂以俟急或手

承之姑歿竟絕葷蔬食比葬得二白兔人以爲孝感云
弘治中旌

表子傑妻熊氏沔陽人孀時年二十四弘治中旌

吳紋妻高氏沔陽人適武昌吳紋紋卒無子高守節四

十餘年正德中旌

盧友傑妻曹氏當陽人弘治十六年夫卒守節嘉靖二

十八年 奏聞旌表

唐與言妻胡氏京山人與言爲邑諸生胡歸事之才二

歲而與言卒無子胡守節四十餘年嘉靖中旌

梁宣文妻蔣氏潛江人嘉靖戊戌文病卒蔣年二十六

遺孤楮甫兩月蔣誓死無他志

強娶之蔣聞抱子投河幾不救遺舅姑長身上下

人稱爲孝婦家貧饑常不繼族人或有以再醮勸者

蔣奮然剪髮斷暈白是不敢復言隆慶二年夏漢水夜

漲隣居皆陷獨蔣居如故晨啓禳之始陷聞者皆以爲

孝節所感云

何氏景陵人夫亡守節隆慶二年知縣方梁以聞於

朝旌其門

諸生謝賢妻朱氏潛江人年二十二夫亡生子廷甫二

歲父母欲令再醮朱泣曰再嫁子將安托不若抱子接

之河母子皆安乃躬勤紡績以訓子立家至老不易節

鄉里賢之

荆州郡志載朱氏松滋人其事悉同今以興都志為據

任高妻李氏四川温江縣人高隆慶戊辰以歲薦授景

陵司訓携李氏並二女么哥留哥在任萬曆甲戌高遷

秩萬載由小河未出境夜半忽眾賊持刃入舟見儒官

囊橐蕭然大失所望遂並執李氏二女將汚之其母女

忿起罵不絕口即相與挽衣赴水死賊驚懼而走高僅

以身免今母女俱葬景陵

肅政妻王氏景陵人夫死時年才十九無子偕一老嫗

自給里巨姓欲計婚之自是杜門雖有亦

其由書七十八

戴富妻徐氏鳳陽人幼拾遺釧呼遺者歸之適富居鍾

祥比亡家誦徐撫孤居二紀人罕見其面嘗從子經入

京電大作舟將覆徐氏泣而籲天頃之舟定人謂貞節

所感

宋允孝妻丁氏京山人歸甫六月允孝卒婦伏墓哭七

日夜不絕而死時年十七

王瑞妻羅氏荆門人瑞為州掾死羅以子女屬舅姑終

而從之知州遂瀆祭之以文曰傷爾役之勤勞崇爾妻

之節義且為異志者之羞實為風化者之勵

唐旻妻王氏沔陽人孀時年二十八生子繼撫之守節
四十五年繼早卒妻李氏亦遺一子守節四十七年郡

稱唐氏雙節

丘容妻李氏沔陽人容卒時年十九遺腹王子富
終身誓死無他志姑婦並以節聞

左祥妻朱氏左祐妻石氏沔陽人祥與祐相繼卒宋時
年十九石年十八皆守節以壽終

劉崇文妻程氏景陵人許聘未笄崇文卒程年十三即
誓不適人請于父奠壻成服謁舅姑歸閉門雖昆季不

相見歲時問遺於舅姑舅姑卒俱服三年喪守節六十

年

子順妻張氏京山人順卒張年二十號哭幾絕服閱

年求偶者婦欲自縊乃免以義女養婿耕織自食雖母
家不二往年七十五猶嚴肅如初

嚴瓚妻屈氏京山人瓚卒屈年二十三父母欲改嫁之
以死自誓終身不渝

溫某妻唐氏京山人年十八歸溫某年溫卒遺腹生一
女有欲奪之者誓死不從年八十五卒

諸生張謨妻李氏荆門人年十七歸張謨家貧孝事舅

姑甫及三載謨卒遺女方二歲子方三月哀傷絕食數

日幾死母姑慰救得生守喪如禮竭力營葬親族憐其貧有勸改嫁氏以死自誓姑王氏折肱爲之理髮授衣侍湯藥晝夜不懈撫子少長遣就外傳紡績以供束脩苦節數十年非歸寧不出門戶頗遭歲饑絕糧晏如也陳子庸妻王氏荆門人年二十餘夫卒撫孤子奉舅姑以成夫志孀居五十五年卒

德安府元○趙孝婦應城人早寡事姑孝家貧備織得美食必持以奉姑嘗念姑老乃鬻次子置棺值南隣火風甚烈孝婦亟扶姑出棺不可移乃撫棺大哭不去風必反人以爲孝感云

本朝○陳政三妻楊氏孝感人年十四遭政三生子傳才甫九歲翁姑夫相繼歿及楊方二十六家極貧變易衣物以置棺衾守節不二撫孤成立正統中旌朱昱妻劉氏隨人昱早卒遺腹舉一子劉守志撫孤成立成化中旌

周伏受妻江氏孝感人伏受家漢陽比卒楚藩人林寬令魏富聘爲妻江嘗富甚厲寬強遺枕巾江乃整衣折離走哭夫墓沉漳湖死都御史朱廷聲御史張祿嘉其節知府劉本用取兩骸同棺塋之表曰江節婦墓仍旌其門

張瑀妻黎氏孝感人瑀國子生喪時黎年二十六家貧
忍饑訓子守節正德中旌

王鸞妻彭氏雲夢人撫孤矢志不渝正德中旌

陳沂妻朱氏應城人夫死無子一女相守以貞潔終正

德中事聞

盧暹妻黃氏隨人暹為諸生死黃年二十一撫遺腹子
家極貧守節不二正德中奏聞每月給米一石

華禎妻陳氏應山人正德中流寇至時陳有娠寇污之
不從殺之于挾之又不從盡殺其子乃剗剔其腹死

朱北朱娶女張氏安陸人許聘朱北北死女自縊以殉
嘉靖六年旌

楊琬妻周氏應城人無子守節嘉靖中旌

朱璵妻章氏隨人璵為諸生死時章年甚少守節不二
嘉靖中旌

張楚英妻王氏孝感人楚英為都御史璣之孫卒而家
貧王孀居惟女工自給恒日絕炊子或出負耻乞鄰火

弟掩門卧嘉靖中旌

翟軾妻趙氏德安所千戶趙威女軾卒時趙年二十一
無子依母居性純靜寡言笑不踰閫即女夫不得面年
踰六十病家人勸之麻曰吾平平生未嘗近人也不藥

卒嘉靖中旌

左忠言妻徐氏雲夢人忠言為諸生死徐二十九守節不憂嘉靖中觀察使扁其門

龔天保妻牛氏景府群牧所人天保死長跪柩前不食十七日瀕死歛人程明著贈以棺襚後鄉人爭以棺至者皆辭之無已受先贈者性端靜每勸女婦以善先是夫貧甚欲嫁之引死不從其天性如此嘉靖末有司治墓立祠

李世和妻朱氏應城人世和為諸生死朱年二十八奉

姑訓子以守至嘉靖末歷三十餘年

聶鎮妻余氏應城人鎮舉鄉試卒時余年三十無子女

惡食毀面至嘉靖末歷三十餘年以貞節聞

劉廷相妻方氏孝感人家於郡年二十五廷相死貧不能振二子伯主伯燮未成童苦節教之隆慶中旌

宋孝女應城人母劉氏以產得廢疾女十歲知之曰母為我致疾耶將笄剪髮誓不適人養母四十餘年志操無玷母死不越月亦卒

王基妻戴氏應山人年十八夫死家貧無子守節以終事聞

吳金妻周氏應山人流寇入境浮之不從縛凡上剖腹

死

劉本根妻席氏應山人不受流寇汚死之

黃銑妻都氏隨人年二十七孀居撫二孤勵節以終

楊溥妻王氏應城人年二十五而寡撫遺腹子紡績自

給白首一節

荆州府漢○王嬙字昭君秣歸王嬖女端正閑麗待詔

元帝後宮時後宮頗多不得常幸乃使圖其形按圖召

幸宮人皆賂畫工多者十萬嬙忤其貌獨不與反惡其

形及單于來朝選宮人配之嬙以圖當行及入辭光彩

動左右帝欲留而名字已去嬙在路馬上彈琵琶以寄

其恨至匈奴單于大悅遣使報漢白壁驪馬單于

世達立嬙謂之曰為胡者妻母為秦者更娶世達曰欲

作胡禮媼乃吞藥而死胡地草色皆黃惟媼墓草獨青

媼志在中國禮義青塚蓋其徵云

鐵女不知何代人其父鐵工虧折官錢將殺之二女遂

跳入紅爐中化為二鐵女荆人立祠祀之

宋○向氏長陽人建炎中保山柵以避寇皮仲破柵向

不辱被殺人見其白乳自吮流踵其後向之子誘賊醉

而殺之以復母讐

元○向存仁妻張氏存禮妻杜氏宜都人向遜九世同

居稱義門二氏俱以節聞至元中旌其門曰節義

本朝○王善妻杜氏江陵人夫卒生子倫甫二歲姑以

年少家貧密勸之嫁杜曰夫以老母孤兒托我所不死

者以此耳遂痛哭以死自誓姑年八十卒以禮斂葬教

子成立孀居四十餘年正統中旌

張原恭妻姚氏石首人守節不渝姑病目舐之愈比姑

歿工女事以給殯葬三年不食肉正統中旌

周鏞妻魏氏石首人鏞卒魏年二十四家貧誓守四十

餘年景泰中旌

張蘭妻名氏太學生名年二十五姑

子幼家貧尹躬勤紡績以給衣食養姑九十而卒教子

讀書孀居五十餘年天順中旌

沈彥清妻于氏江陵人年二十八而寡養姑撫孤守節

四十餘年成化中旌

秦景宣妻楊氏夷陵人景宣為諸生死時子甫半歲楊

守節撫孤始終無間弘治中事聞

游旺妻萬氏興山人弘治中旺卒萬年二十五有一子

甫彌月苦節撫之雖房闈亦不苟出以貞潔終

何洪妻李氏松滋人洪為太學生卒李年二十七無子

苦節不二弘治中遭水滂自度不能存因縊死時人哀

劉文達妻孫氏遠安人夫死時年二十遺孤琰甫二歲孫撫之弘治中琰卒無子琰妻陶氏躬織紉養之幾三十年姑婦並以節壽稱

陳氏女江陵人未笄正德壬申秋夷兵過其地多汚民婦陳在虜中度不能免乃投水死

李淳妻王氏松滋人正德辛未流寇入其居劫王欲汚之王大罵不從被殺

何清妻楊氏枝江人清為太學生卒楊年二十四子存

中時在強保楊無孤孺節壽至九十嘉靖中在周通妻楊氏江陵人通卒斷髮守節以死自誓嘉靖

旌

寵涂妾金氏長陽人涂為宗室長陽輔國將軍金從夫人王氏嫁嘉靖中涂病亟王夫人謂金曰即不幸吾亦死金泣曰主君無嗣主母宜襄後事妾誓殉之比涂卒方屬縗金潛更衣縊于寢年二十餘

高校妻成氏公安人校舉于鄉卒成時年二十一守節三十餘年訓子文光亦舉于鄉嘉靖中事聞

汪寶妻張氏冷琦妻鄧氏遠安人二節婦俱經嘉靖二十二年知縣田時雍奏聞旌表

周宗義妻董氏石首人宗義卒董年二十八生子昂出
在懷乳中以死自誓紡績以養舅姑教子讀書成名事
聞受旌

顏鎮妻劉氏荊州衛人鎮戍廣西卒劉甫二十撫遺腹
子以節聞壽九十卒

鄭實妻高氏荊州衛人實為諸生死子女皆夭高孀居
五十餘年

葉廣妻王氏荊州衛人廣為諸生蚤卒無子王年二十
六宗族諸母憐其幼寡有勸之易志者王泣以死誓守
孀居四十餘年

蔣伯漢妻高氏江陵人伯漢死時年甫三歲未幾子亦
殤高孀居六十二年卒年九十

夏瑀妻朱氏益利人夫亡時年二十八父信德憐其
少欲使再適朱以死自誓年五十餘有司欲上其事比
聞報向二弟泣曰夫死不嫁婦人之常願欲崇飾門題

以矜耀於人耶卒不敢強娶居五十二年卒

周必榮妻劉氏石首人夫亡貧苦誓志以節孝聞
談籍妻宋氏巴東人夫亡斷指自誓撫遺孤有成壽踰

八十卒

雷聲妻吳氏荊州衛人聲為諸生卒吳年二十四遺孤

幼吳撫之成立以節聞

黃緣妻涂氏石首人緣卒涂年二十五父母欲奪其志
涂自縊救之甦姑病值火起涂負姑從牖冒火出里人
以節孝稱

劉瑀妻陳氏夷陵人夫死時年二十五子方四歲舅姑
相繼卒陳歛葬以禮累值年饑以死誓守

袁紹祖妻王氏長陽人年二十四而寡撫前室子成之
以賢節聞

羅昂妻劉氏監利人年二十三夫亡無子截髮誓守始
終不渝

子為嗣守焉
黃氏長陽人智為諸生死時黃年二十四以後

張芳妻王氏監利人芳為諸生死王為撫育故伯二子
矢死不二志

常傑妻宋氏夷陵人傑為諸生死時宋年二十二子甫
八閱月苦節撫孤

李本溶妻柳氏松滋人年十九而寡子二俱幼父母憐
而諷之柳即溺水幸不死至老不變

黃爵妻戴氏松滋人年二十一而寡撫訓二子皆為諸
生

湯庶明妻望氏監利人夫死遺孤尚幼望以節自持子
又死乃撫孫訓迪至老不變以節聞
朱永迪妻羅氏監利人迪卒羅年二十父母憐其孤幼
欲嫁之羅聞啼泣以死誓不變節

王璿妻李氏松滋人年二十六夫卒以死自誓事姑舅
撫育諸孤人無間言子本義本忠孫相之俱舉鄉試第
一年八十九而卒

荆州右衛右所百戶井通妻曾氏二十五而通亡子盛
甫三歲家貧其誓不再嫁撫孤孀居四十餘年卒年七
十有四


梁從善妻向氏宜都人年二十六夫卒生子儼方在孩
提向矢志以養姑撫孀居六十餘年以完節終

彭九成妻白氏遠安人夫卒白年二十餘二孤方數歲
守志不渝孀居四十餘年卒

饒明瑞妻曾氏興山人年二十九夫卒生子卿尚未成
立親族有欲奪其志者曾厲詞絕之年六十三終

李鏞妻劉氏石首人年十九鏞死遺孤清洪俱襁褓劉
守節撫孤卒能成立年九十餘以壽終

鄭友妻熊氏江陵人年二十餘夫卒誓死守節力事舅
姑辟纒課子四十餘年有司表其門



陳芳妻楊氏江陵人年二十夫卒楊矢志自守撫子成立教之義方孀居六十餘年

高懋妻劉氏公安人年二十四夫卒誓不再醮撫遺孤文昌教之以貢入太學諸名士甚推重焉劉守節垂三十年有司廉其實特旌表其門

余鳳儀妻駱氏宜都人年二十八儀卒無嗣鄉人勸之以刀自剄自是人不敢言日勤紡績以養翁姑年六十有司覈實以聞 詔旌表其門

王鈞妻何氏巴東人年十七歸鈞于荆門生三子鈞卒十餘年鄉里咸重其節

陳瑞妻盧氏遠安人夫卒守節因里人勸之遂自縊死

岳州府宋○韓氏女巴陵人宋魏國公琦之裔名希孟少明慧知讀書開慶初元兵至岳陽年十八為卒所掠女知不免遂赴水死越三日得其屍練裙帶有詩曰我質本瑚璉宗廟供蘋蘩一朝嬰禍難失身戎馬間寧當血刃死不作衽席完漢上有王猛江南無謝安長號赴洪流激烈催心肝

徐君寶妻巴陵人夫其姓同韓氏被掠主者數欲污之終以巧計脫又以氏有令姿故弗忍殺之一日主者怒

強之因給以祭夫而從主者善諾氏南向飲泣題蒲庭
芳一闕於壁投大池中死

林氏女楊氏周氏女俱華容人母病皆禱而割股煮粥
以啖母病遂瘥嘉定中監三孝感坊旌之

吳樵妻李氏平江人吳樵者輕車都尉綱之孫知峽州

元豐庚午李氏年甫十四侍母及兄嫂移居巴陵城中

家有火變兄嫂遠散李氏獨守母舍良久煙止闔宅皆

焚一室巋然獨存後以樵貴封安人

元○賈氏澧人讀書通大義生一子家貧賈設教女館

讀書自給聞呼蕭然事聞旌之

于氏慈利人養姑撫子克盡婦道大德中旌

本朝○黎受三妻藍氏巴陵人適黎未幾夫卒無子依

弟榮誓不再嫁孀居五十年洪武中旌

王谷樹妻程氏澧人夫病篤割股啖之夫遺命適人程

剪髮誓無他終身足不渝闕洪武中旌

甘女元秀華容人父邦佐以元秀許聘里人魏文昌洪

武間文昌父獲罪應誅文昌以身代繫獄元秀時年

十四其父欲改婚元秀即投井幾死後屢齋戒額天以

求文昌之生比文昌計至元秀沐浴更衣自縊于寢室

闔郡悲之有司以聞

吳伏顯妻凌氏江人未樂中以節旌

方志通妻易氏巴陵人年二十而寡力貧養姑姑疾篤

易氏額天求以身代病產未養惟謹孀居四十餘年成

化中旌

毛瑤妻黎氏華容人適毛甫二載夫卒誓無他志辛勤

機杼以爲養姑費教子向學規度嶄然成化中旌

陳學明妻張氏巴陵人年二十而寡無子或勸其改節

張斷斷義不可迺以兄之子爲後辛勤撫育居孀餘五

十年成化中旌

梅紀妻方氏臨湘人年二十三而寡杜門却掃矢志不

渝成化中旌

余勝妻黃氏臨湘人年二十二而寡撫孤守節始終如

一成化中旌

謝紀妻李氏巴陵人年二十四夫亡日夜慟哭不輟屢

死復甦遺腹生子梅鞠育成立皓首一節成化中旌

朱宣妻陳氏岳州衛人宣任指揮死于陣陳年二十二

孀居四十餘年弘治中旌

王昇妻周氏岳州衛人昇任千戶死于兵周哀之幾殞

而甦杜門不出弘治中旌

李信妻徐氏岳州衛人年十七適信生一子英甫三歲

信調征靖州歿于戍所徐年二十四清苦自勵孝養其
姑姑卒塋祭不違禮弘治中旌

陳旭妻余氏平江人夫亡誓不再適事翁姑極孝弘治

初事聞

左志廣妻謝氏澧人夫亡遺腹生子歲荒採蕨養姑清

苦終節弘治中事聞

沈玘妻劉氏臨湘人年二十一夫亡劉矢志不再醮遺

子植撫之稍長遣令就學學成舉于鄉嘉靖三十六年

旌

節不二教子養姑嘉靖中知縣任寅欲疏其事辭焉

伍玉璿妻戴氏平江人年二十二守節撫遺腹子大鵬

躬紡績事舅姑嘉靖十六年都御史顧璘獎焉仍復其

家

王萬爵妻陳氏平江人年二十餘夫亡無子陳厲節自

守孀居四十餘年嘉靖間事聞旌表

劉如魯妻毛氏華容人如魯忠宣公孫也年二十六如

魯死遺孤世享甫歲餘毛守節撫之成立為諸生孀居

綜理家事保恤減獲咸有規法嘉靖間御史陳豪獎之

鄧守忠妻伍氏慈利人年十九而夫死無子家貧以全

節終

李惟真妻趙氏安鄉人夫亡子在襁褓甘貧撫之以貞節著聞

劉瑄妻韓氏名惠真慈利人父母以其夫亡誘之再嫁將自殺救免竟以節終

秦允瑞妻傅氏平江人笄未暮年夫亡撫遺腹子事舅姑以老終

方成德妻陳氏巴陵人年二十三夫亡無子時弟挾母欲奪而嫁之陳誓死七日不食衆勸諭迺食家故貧惟

歲方自給厲節甚堅年五十卒

待姑強其適人始誓乃止

陳鈞妻劉氏華容人二十七夫亡守節辟纒養姑孀居五十餘年

陳燦妻李氏華容人訓導太元女也年十九而燦亡無子家貧李氏守節奉姑姑亦早寡婦姑相守至乏衣食亦不懈其操垂三十載

任璋妻高氏澧人璋郡學主早死高年二十六守節無

子父母強之嫁輒欲自刎都御史林大輅督學蔡潮成重其貞烈表之

任鉞妻周氏澧州人年二十四夫亡守節無二歲遺孤
都御史林大輅哀其志獎之

戴昂妻廖氏澧州人昂溺死廖撫昂屍痛哭比葬伏棺
擬以死殉族人止之遂矢志自守撫四歲遺孤姑欲諷

之嫁輒欲自縊卒不可奪

梁樞妻王氏澧州人姑病王氏割股以供因瘞其死御

史陳豪題其門曰孝婦

劉秉仁妻丁氏慈利人歸秉仁家甫十月秉仁死丁年
十七撫遺腹女守節不二年九十四終

史錠妻孟氏王聚妻孟氏慈利人二女同乳產並守節

時人目為雙節

陳昂妻石氏華容人年二十二而夫死撫幼子貧苦六
十餘年

襄陽府南_北朝○張彪妻楊氏天水人散騎常侍暉之

女有貌彪仕梁楊州刺史以拒陳文帝散走山中陳將

章昭達捕殺之欲妻楊楊欣然請殯塋既畢楊還請薨

飾容昭達許之楊乃割髮毀面誓不更行文帝悼之許

為尼後陳武帝軍至仍為軍得楊投井垂死煬之火始

蘇復投火而死

唐○甄氏宜城人君故襄城夫死誓不適人撫其子逢

丹書

列女

以學行為助教韓愈稱許之見宜城驛記

元○劉平妻胡氏渤海人至元中平載其家戍棗陽夜宿沙河虎至啣平去胡拔刃追斫之扶平抵季陽城以傷卒詔恤其母子仍旌之

宋某妻丁氏棗陽人早寡不欲獨生遂以死從事聞褒美之

尹大中妻黃氏穀城人至正京遇賊欲死之不從死之賊裂其屍

○李謙妻李氏均人謙死時年二十歲

心妻岳氏襄陽人忠為都督歿於陣遺孤信半歲岳撫成繼其爵旌曰雙節

曹文妻潘氏襄陽人文為諸生死時潘年二十五無子守節受旌

周鳳妻王氏名淑傑襄陽人鳳歿三日淑傑自縊旌曰貞烈

孫通妻張氏襄陽護衛人孀時年二十五受旌

何敬妻黃氏襄陽護衛人敬卒時黃年十七家貧子幼紡績自給終老不二旌曰貞節

劉鐸妻胡氏襄陽人鐸任百戶卒時胡年十九養姑撫

月實錄卷之三
列女

遺誓死不變以貞白終受旌

郭權妻趙氏襄陽人權任千戶沒于京趙哀毀屢欲自

縊姑泣救乃止時年二十五孀居不踰閭閻事姑盡孝

以壽卒事聞

李忠妻于氏襄陽人年二十夫死屢自縊以救免撫遺

孤孀居六十餘年

鄖陽府本朝○黎仕溫妻段氏上津人年二十八溫卒

段以死誓守孀居四十餘年成化中旌

蕭氏河南陝州人父母以貧流徙上津成化七年官軍

逐流民流民中險梁者見女姿色詐稱官軍執而繫之

閉於五顯廟聲言欲以爲妻蕭氏自度不免竊於神香

案下自縊而死時年一十有九都御史王信奏聞旌

表

劉顯清妻許氏保康人年十九顯清溺水死許柔骸骨

不獲亦赴水死成化中旌


諸生于一鳴妻張氏鄖人嘉靖辛酉秋七月一鳴應省

試舟至光化縣牛山頭溺死張氏年二十五聞訃號泣

幾絕既而感疾遂不嘗藥未朞月而沒

太學生鄧仁妻王氏鄖人仁卒王年二十八矢志守節

孀居五十餘年隆慶元年旌



楊仁妻尤氏竹山人年二十夫亡甘貧矢志撫男楊順
高成立娶媳鄒氏生孫男楊瓊順高亦故遺媳鄒氏隨
姑守節萬曆元年旌

楊思聰妻袁氏竹山人年二十四而夫亡表撫幼子苦
節三十餘年事聞

梁弘瑾妻羅氏鄆西人夫亡羅年二十六守節逮老事
聞

段雲霓妻杜氏上津人持節以終事聞

盛憲賢妻柳氏字桂英竹山人年二十思賢疾革指柳

氏曰我人將亡天若無子我欲奪嫁之桂英誓不他適

身守節

孫得春妻王氏上津人得春為諸生一死丁年二十有

八遺孤孫顯丁撫而教之卒底成立守志四十餘年

秦經妻王氏鄆西人年二十一夫亡遺長子順才甫三

歲閨才甫三月餘姑令改嫁氏矢死不從家貧惟紡績

以奉姑育子苦節三十四年卒

太學生趙顯妻陳氏鄆西人顯卒氏方二十五前妻子

奎尚幼氏所生子壁室未離襁褓陳誓不再適養姑每

減己食恤前室子過於己子守節三十一年

諸生楊華山妻鍾氏鄖西人山卒氏年二十六所生三子家貧苦不能自存氏誓志守節躬紡績以育撫孤至成立天子舜卿亦為諸生

諸生龍芹妻尹氏名金貞竹山人年二十無子生女四歲芹以溺水死尹氏抱屍慟哭欲與俱亡衆勸不解縣官指其女慰之曰汝夫死矣汝死女何所依意略少緩

乃矢志不更適撫其遺女雖貧乏惟事針指紡績自守四半餘年年七十一卒

太學生歐顏卿妻梁氏名泰玉竹山人年二十夫亡撫

妾守節五十年不渝


七氏年十有八遺腹二月生子彬廖守節撫孤比長承襲千戶

檢校張通妻趙氏房人趙永福之女也夫亡趙年二十有二子俱長相繼亦亡氏孤守節卒年九十有四

州判趙德妻韓氏韓仲之女也房人夫亡韓年二十有一遺孤時霖甫二月貧苦自守年踰六十無變節焉

趙萱妻葉氏州判葉嵩之季女也房人夫亡葉年十有八矢志守節以事舅姑年逾五十不變

諸生樹聰妻蕭氏鄖人年二十二夫亡遺孤廷鳳甫一



歲蕭矢志撫之侍姑何氏孝養終身以禮安葬孀居五十餘年

諸生趙和妻路氏鄖人和卒路年二十八遺腹生子趙琥路撫之侍姑傅氏奉養終身守節五十餘年

百戶李仁妻鄧氏鄖人夫卒鄧年一十九矢志自守撫遺腹子震成人年八十有二卒

常德府三國○李衡妻習氏武陵人性甘淡薄不嗜生殖吳建興中衡為丹陽守加安遠將軍每欲理產業習

氏不許衡密遣人於龍陽汎洲種橘千株臨終謂其子曰汝毋惡吾營家故貧如此吾於汎洲種橘乃千頭木奴不費汝水食汝每視之時謂習氏能以清介成其夫

云

五代○馬希萼妻苑氏桃源人希萼與弟希廣爭立苑諫曰兄弟相攻勝負皆為人笑不聽苑泣曰禍將至矣予愚不忍見也赴井死

周行逢妻嚴氏武陵人行逢知潭州好殺嚴諫曰人情有善惡安得槩殺行逢怒曰此外事婦人何用知嚴氏不悅給請視農至則營居以老歲時衣青裙押佃戶送租入城行逢往就見之勞曰吾貴矣夫人何自苦嚴氏曰公思作戶長時平安得遂忘隴畝間行逢彊邀之以

群妾擁升肩輿嚴氏卒無留意因曰公法嚴一旦禍起
田野間易逃死爾行逢焉少損

本朝○周冕妻張氏武陵人冕任指揮僉事卒張誓死
守節未樂中事聞

林德成妻張氏武陵人夫亡斷指自誓守節宣德中旌
史源濟妻孫氏龍陽人年二十五而寡誓死守節宣德

中旌
袁奎妻史氏龍陽人年二十三守節貧甚紡績奉姑撫

幼成立成化中旌
景妻梅氏龍陽人年十九而寡守節終身成化中事

聞

貢士陳大韶妻萬氏武陵人幼隨父璇任通書史大韶
卒時年二十七舅策正德初為御史在告遭逆瑾誣搆
罰米萬盡脫釵釧助以完納略無恹色舅父卧床蓐賴
此得免驚悸理家內外斬斬雖疾甚不肯延醫訓遺孤

錄以正領鄉薦

龍凌霄妻劉氏武陵人適霄年餘生子甫半月霄疾篤
謂其親屬曰吾死無恨惟慮遺孤無托耳劉泣曰君脫
不幸吾當撫孤禽獸之行吾不為也凌霄遂卒劉年二
十二劬于織紉以奉其舅姑子稍長教以讀書克弟子

明倫彙編

列女

員嘉靖十二年府上其事

徐瑄妻黃氏瑄任常任德衛指揮成化初備潯州歿於陣

黃守志撫孤重奉襲弘治初亦歿于潯復撫幼孫輔苦

節四十餘年內外嚴禁雖疾甚不延醫嘉靖中聞

曾義妻王氏龍陽人二十九義卒遺腹三月生子王撫

孤厚節養姑以孝聞隆慶二年有司奏聞旌表

諸生然富秋妻廉氏毗陽人年二十秋卒廉甘貧矢志

奉其姑終餘年撫子成立以承夫志鄉黨以節孝稱之

隆慶間有司奏聞旌表人似劉父姓甘旨養母天隆

劉豐妻燕氏桃源人二十四守節聞閨肅然

計哀痛幾殆撫孤治生辛勞萬狀以節壽終

黎環妻劉氏桃源人年二十六而寡姑強之適人以死

自誓守節終其身

賈賢妻王氏沂水人八月而賢溺死時年十八父母

憫其少欲改適王誓死不從守節終身奉姑以孝聞

辰州府辰州府張弘道妻陳氏沂水人無子堅志守節

張弘道妻陳氏沂水人無子堅志守節

張弘道妻陳氏沂水人無子堅志守節

張弘道妻陳氏沂水人無子堅志守節

張弘道妻陳氏沂水人無子堅志守節

張弘道妻陳氏沂水人無子堅志守節

張弘道妻陳氏沂水人無子堅志守節

張弘道妻陳氏沂水人無子堅志守節

吳諱安聲大諱任沅州衛指揮死無子鄧偕一婢嚙舌
誓淡不出戶歲四十餘年成化中事聞

吳氏文沅陵人吳允華女弘治中入山拾筭虎攫姊去
女撲木杖追之始得脫時年十三

李榮妻陳氏江陰人弘治中榮卒無子族人欲奪其志
矢節自勵以壽終

鮑氏女辰州衛人名賽賽弘治戊申及笄同父砍舍歸
遇虎撲父去賽持金刀追及以刀刺虎相持夫之刀柄

折遂遇害

潘羅卿妻賈氏沅陵人羅卿為諸生正德中舉賈省父
於南京至湖口鄉卒賈即赴水女奴持之既見舅姑入

室自縊以救免自是減食凡四十餘日絕食者累日竟
自刎遺詩曰拋棄殘生思不禁可憐死別倍傷心雙魂

杳杳今何在化作啼鶻返故林應天尹以事聞被旌

張氏女名完沅陵人正德中其姊適人卒議續完父母
許之完以為不然曰夫姊夫而子甥吾深耻之越二年

父母強納采完痛哭不出戶者五日絕食三日縊死

馬祥妻陳氏沅人夫亡時年十九子在襁褓有武臣以
媒通欲娶之陳痛哭諾媒誓死不他志撫子成立嘉靖

中旌

辰州衛冠帶總旗劉經妻王氏廬溪人嘉靖五年夫陣
亡氏守節無玷

吳勛妾祝氏沅陵人勛任辰州衛指揮訃至祝詢其遇
害故以手拊膺仆地死事聞旌表其門

徐玉龍妻張氏名茂貞沅陵人玉龍戍乾州卒茂貞投
繯而死夫婦並葬桃花巖

武玉瑾妻賀氏名瑞英淑浦人瑾卒瑞英兄潛納聘禮
擇日嫁之瑞英自縊

余芮妻顧氏辰州衛人芮卒時顧年二十四無嗣茹荼
矢節始終弗渝

甘貧守節年七十五卒

李鳳儀妻楊氏廬溪人年二十喪夫無子誓不再嫁年
六十卒

諸生鄭武妻楊氏廬溪人年二十一喪夫孀居四十年
年六十一卒

玉錦妻楊氏廬溪人年二十一喪夫無子楊誓不再適
年七十八以節終

辰州衛指揮芮覲妻楊氏辰溪人覲調征郴桂歿于陣
時氏年二十六守節教子年八十二卒

長沙府秦秦陵羅氏女父均用令武陵以運鐵溺洞庭女求父骸不獲亦赴水死世祀長沙宋贈孝烈靈妃
晉○尹虞二女長沙人虞始興太守起兵討杜弼戰敗二女爲弼所獲並有國色弼將妻之女曰我父二千石終不能爲賊婦有死而已並遇害

宋○趙淮妾長沙人德祐中從淮戍銀樹堤淮兵敗俱執至瓜州元將阿朮使淮招李廷芝淮陽諾至揚城下乃大呼曰李廷芝男子死耳母降也朮怒殺之棄屍江濱妾偽告將曰妾夙事趙運使今死不葬不能忘情願掩埋之當終身事公無憾軍校葬之輿至江上妾聚泣焚淮骨署瓦正中自抱持操小舟至急流仰天痛哭躍水而死

胥氏三婦潭州人胥偃妻刁氏直史館約之妹兄元衡妻韓氏子茂謹妻謝氏皆寡居丹陽閨門有法江淮人至今稱之

張氏女安化人嘉定中強寇蔡六剽掠鄉邑女爲所獲欲犯之女罵賊不屈而死潭帥題其墓曰烈女張氏之墓

常豐婦張氏安化常豐鄉人嘉定中爲寇蔡六所掠婦罵賊不屈遇害後獲賊得其情帥相魏公嘉其節以禮

具塋題其墓曰節婦張氏之墓

元○譚拱辰妻黃氏茶陵人夫喪年幼子景星甫四歲
堅白自持訓景星為永明縣教諭以孝行稱延祐泰定
中母子俱旌

翊刺女長沙人母病割股救之至今稱其地曰孝順坊
于承慶妻曹氏茶陵人全正末城陷曹氏義不受辱遂
自刎死妻李氏驚抱持之三日亦自刎死

劉頊妻段氏茶陵人進一世係之子至正末紅巾賊

劉頊自沉于水一不一死釋之無何賊再至

木朝○袁一初妻李氏益陽人洪武初死于兵

李少而寡居撫孤守節詔旌表其門

胡勝遠妻劉氏瀏陽人夫亡劉年二十有八事姑撫幼
卒年七十一洪武中旌

譚時中妻張氏攸人年二十有五夫死誓守志不嫁
中旌

陳廷璋妻王氏攸人夫死悲號不食者七十日子論時在
襁褓王撫教之成立正統中旌

曾添惠妻龔氏湘陰人惠死龔年二十有八長毀守節
孝養舅姑終其身正統七年詔表其門

陳恭妻段氏瀏陽人年二十三而夫卒事姑孀居二十六年天順中旌

朱志高妻周氏寧鄉人高死周年二十有九教子就學孀居三十年弘治三年詔表其門

張達妻王氏安化人嘉靖元年八月流賊至其家執達欲執王乃以首飾投賊得釋後達又遇賊被拷幾死家人報王王曰夫必死吾生何為乃投屋後壘塘水中死

茶陵衛指揮郭綱妾許氏攸縣人年十八適綱甫九月而綱亡越明年生遺腹子廷用與嫡蕭氏撫養廷用成

立年十六襲父職舉嘉靖己酉武關庚戌舉會試歷官

諸生龍天衢妻洪氏攸人年十七歸龍甫期年而天衢以病故無子洪葬夫之日即築墳夫側以死自誓隆慶

間有司奏 聞旌表 諸生曹道妻羅氏益陽人年二十四而道亡羅誓不再

適守節五十餘年雖至親相見不踰閭闔萬曆元年有司奏 聞旌表

顏時用妻張氏攸人時用死子霖生方八月張育而教之孀居四十年

賀良英妻許氏益陽人年二十良英死一子在襁褓

姑欲奪其志許以死誓守撫孤成立年七十以疾終
諸生陳朴妻洪氏攸人年十七歸陳朴數年而朴卒無
子洪誓不二志孀居七十餘年

諸生劉欽道妻蕭氏攸人年二十九夫卒與妾馬氏
五歲同守節撫孤成立

寶慶府奉朝○梁尚志妻鄧氏名靜邵陽人鄧早寡姑
以家貧欲奪其志鄧指天泣誓撫幼養姑終其身正統
九年旌

段思禮妻鄒氏武岡人孀時年二十四撫子肅領鄉薦
景泰中事聞

彭瑄妻袁氏名正淑新化人姑周氏事姑歐陽氏以孝
聞袁事周亦如之瑄爲諸生歿天順中洞苗攻縣袁挾
幼子匿月照山谷間苗將犯之袁給曰此子不肯去手
我將棄之江即當從汝苗聽之至江邊抱其子投于水
賊驚顧而去明日屍浮出子猶在手面如平生

畢承宗妻吳氏名唐貞新化人許聘承宗未婚宗舉天
順己卯鄉試卒吳行喪誓死終身

范浩妻李氏武岡人成化中浩舉鄉薦歿于旅次李年
二十四子廷爵甫周歲養姑育子守節終身

張雄妻許氏武岡人雄任千戶死時許年二十餘內外

不見其面撫遺腹子厥廢父職以壽終

謝彬妻馬氏邵陽人彬為諸生死馬年二十一撫遺腹

子茹苦守節以壽終

蕭全妻周氏邵陽人年二十二而夫亡撫幼子以節自

守

陳文廣妻胡氏邵陽人年二十一而夫亡撫幼子以死

自誓不易其志

夏寅妻董氏邵陽人寅舉鄉試卒時董年二十無子妾

劉氏年十八遺腹生子同心苦節撫孤成立以壽終

正濟妻李氏邵陽人年二十廿貧守節有司以聞

劉氏妻張氏邵陽人年二十一守節

以壽終

曾濟妻田氏名孫真新化人年十八而寡遺腹一女養

姑夫守以終

曾廷秀妻劉氏新化人秀為諸生死無子劉誓節養舅

姑以老

楊顯妻陳氏新化人顯為諸生卒時陳年十九無子守

節終身

劉大庭妻余氏新化人大庭疾劇泣下不言余知其意

以死自誓撫子成名

劉永伯妻陳氏城步人年十九守節以終
吳惠妻左氏城步人年二十一守節終身

李錄妻楊氏武岡人錄為諸生楊歸甫八月錄病籲天
割股比歿楊年十九矢心以守有司歲以官租贍之

趙鸞妻蕭氏武岡人時年十九無子落髮割耳有司給
官租贍之

唐德正妻陳氏新寧人年二十守節
朝富妻李氏新化人年十九而夫亡遺腹生子耕績

志撫孤成立以節孝聞
志撫孤成立以節孝聞
志撫孤成立以節孝聞

志撫孤成立以節孝聞
志撫孤成立以節孝聞
志撫孤成立以節孝聞

志撫孤成立以節孝聞
志撫孤成立以節孝聞
志撫孤成立以節孝聞

志撫孤成立以節孝聞
志撫孤成立以節孝聞
志撫孤成立以節孝聞

志撫孤成立以節孝聞
志撫孤成立以節孝聞
志撫孤成立以節孝聞

志撫孤成立以節孝聞
志撫孤成立以節孝聞
志撫孤成立以節孝聞

之守志四十餘年卒

李敦妻賀氏邵陽人年二十五敦卒孤憲方五歲

賀氏教子克嗣前志領歲薦卒年七十

諸生陳昇妻唐氏邵陽人年二十四昇卒孤大章方二

歲唐誓不他適撫子養姑大章後補郡學生應選貢授

廣州司訓迎養六載時唐年七十七矣以疾思歸章棄

官奉板輿還家未閱月而唐得令終

寶慶衛舍李洪妻史氏邵陽人洪廢業未任而卒史年

二十一孤晟方歲餘史矢志撫孤閉戶不出後晟襲職

寶慶衛舍李正妻趙氏年二十五正赴廢業歸卒于道

遺孤漢尚在童稚趙撫孤守志終身無間

趙氏黎氏邵陽人王木之妻妾也木死時趙年二十八

無子黎年二十六遺孤派甫二歲二氏同心撫孤及長

補郡學弟子員一節始終

舉人張洪妻歐陽氏新化人孀年二十八二子皆幼氏

誓不他適敬事舅姑撫其子隆成立拜官定遠今年九

十四終

袁高壽妻蕭氏庠生蕭鸞女也新化人壽被賊射死氏

年方十七孀居貧甚年八十一終

段錦標妻張氏武岡人年十九孀居子璿方歲餘矢志撫孤卒年五十四

周天明妻鄭氏新寧人年二十三而夫歿撫其三歲子孝事舅姑年六十無異議

范繼武妻羅氏邵陽人武以民兵戍守麻陽死于苗羅年二十四自甘貧苦撫孤侍姑誓不他適

城步千戶王鈺妻劉氏城步人年二十九鈺卒劉杜門守節雖婿至不與相見子姓有不得已相告者止之戶

外有敬姜風年九十臨終自櫛沐更衣戒亡令他人為諸生陳羽妻李氏新寧人年十九歸羽甫兩月而羽

姑孀且老兼之無子李甘心守節奉姑誓不二志年六十七卒

何希倫妻蔣氏新寧人年十六歸倫三年翁姑相繼淪歿未渝月夫亦歿遺腹生男其孝蔣矢志撫孤孀居二十餘年

衡州府本朝○朱衡妻王氏衡陽人宣德中衡舉進士

卒于京王年二十五剪髮殮棺中誓死以守

蔣志泰妻梁氏衡山人年二十適蔣生一子甫七月泰卒家貧守節事姑盡禮天順初旌

雷氏女桂陽人雷廷惠女名毛姑天順中獍狴攻破藍城人民奔竄女父目疾不能去女獨侍父側哀哭被執欲污之罵賊不屈而死

杜彥祥妻鄺氏臨武人年十八夫亡事姑守節天順中獍狴至隨姑避難舜峰遇賊欲污之鄺罵不絕口賊破其腹而死時年三十

羅旦妻張氏桂陽人少有志操天順中洞寇入其家張氏潛避賊搜見執刀脅之出張且泣且罵不起賊怒亂刀刺殺之

陳宗濟妻王氏桂陽人夫卒守節盡孝不冉適
化中事
陳氏女名三貞臨武人陳仕良女弘治中苗寇入其家將辱之不屈觸刃死

楊廷耀妻朱氏衡山人朱暘忠之女也年十七歸廷耀善事舅姑踰二年廷耀以端午競渡溺水死朱氏哭之哀朝夕薦奠以節自誓服除其母兄納賂欲以改嫁富家子朱氏聞之大慟不使人知也乃飾容端粧向父至江濱號哭投江而死遠近聞者無不驚嘆踰半月得其屍江中宛然如生事在弘治丙辰歲

陳思詩妻劉氏名順貞安仁人正德中遇猥賊不屈被

焚死

尹文光妻劉氏鄆人正德中遇寇不辱被殺

陳逢初妻雷氏藍山人夫亡時雷年十九無子以死誓

守卒年八十餘

湯思文妻劉氏衡陽人年十九無子家貧舅姑欲奪之

劉聞詣夫塋哭泣絕食終日舅姑乃已以節終

董惟嶽妻歐陽氏衡山人值寇流劫惟嶽緝擒者衆與

黨銜之夜焚其家惟嶽鬪死歐陽率子姪敵賊被執欲

汚之入火死

將聞妻李氏襄陽人閩縣鄉試盜殺李乘節誓守以壽

終

周某妻艾氏臨武人寇至被執欲汚之罵聲不絕死

裂其屍

羅榮興妻王氏衡陽人榮死于客王聞哀號奔迎嚔指

滴血骨為之赤以節終

侯爵次子義旒妻譚氏安仁人名六貞夫婦隨任廣之

感恩縣旒代父征苗賊胡南蛇殞於陣譚年二十一欲

殉不獲有宦家子欲求婚譚氏遂截髮自誓孀居七十

餘卒

彭氏金蓮常寧人幼字夫霍將嫁而夫亡彭誓志自守

有司廉得其實立扁旌之更憐其貧苦給供養田一十五畝仍復其家

諸生羅祖慶妻譚氏安仁人名鳳秀夫死時譚年二十長子未離襁褓且有孕越數日生次子譚誓不再嫁撫其遺孤長而教之孀居三十餘年

未州府本朝○張伯通妻郝氏祁陽人年十七而伯通卒無子天心守節洪武中旌

王祥妻張氏祁陽人祥為諸生卒時張年二十餘守節終身成化中事聞

祁陽妻尚氏夫死年十九夫卒誓不再適凡四子立以節命名表守節之義云孀居六十四年

諸生王清妻唐氏零陵人年二十九夫亡遺子玉寬甫八歲貧苦萬狀族中豪計侵凌之唐氏以死自誓撫孤成人守節五十六年

林德賓妻曹氏東安人年二十四夫亡矢志撫孤年踰九十卒

田稅繼室傅氏寧遠人生一女稅有前妻一子正德六年賊破城氏逃計不兩全顧其子曰此吾夫之嗣也遂棄所生女君其子以免鄉邦義之

趙氏寧遠人正德中父龍與氏俱為賊所執欲犯之大

罵曰我身如玉可碎不可污也賊奴我有死而已賊怒殺之

陳景茂妻鄧氏東安人年二十一景茂卒氏撫二孤長四歲幼始踰月姑年八十孝養不衰子天舉充郡學生進士藍伯采妻郁氏零陵人年二十九夫卒家貧無子氏誓不再醮守節四十四年

義氏名奎珠零陵人義天誥之女嘉靖中爲流寇所擄抗罵不受污遂遇害

趙氏女名向貞江華人隆慶六年被賊掠不受辱斫死

如奉舅姑喪俱以禮隆慶二年旌

轉克恭妻陳氏祁陽人撫孤守節事聞受旌

周汝相妻陳氏祁陽人婚數月汝相疾禱以身代相吐痰血取而飲之比效哀毀抱恨而死

徐有爲妻王氏零陵人王崇德女也年二十夫卒誓志守節撫孤至于成立

諸生文韓妻李氏祁陽人年二十六夫病刺血和藥碎首祈代比夫卒家貧不能具棺以次子鬻族人資棺殮畢欲自絕至戚止之守節三十六年

李緒妻謝氏零陵人年十九夫故甘貧撫孤守節六十

六年

文宣妻蔣氏道人年二十四夫亡勵志守節子文俊方二歲撫養成立為娶婦陳氏未踰年文俊亦卒無子時陳年二十一亦誓節與姑相依終身焉

諸生黃文妻孫氏寧遠人年三十一夫亡生子鳳方九日苦志守節黃故子戶侯也鳳長應襲赴京孫虞有他爨駕言解京幼軍母子相依以行鳳得授其祖官以歸聞者咸稱其烈

陳氏零陵人諸生劉天成母年十九夫喪遺腹纒數月因歸寧父母誘令改適遂奮然以歸誓不再仕後生天夏友斌妻毛氏祁陽人年十九夫卒誓不再醮孀居七十餘終

李世倫妻文氏東安人年二十五夫卒誓不再醮撫養幼子以貧終其身

唐勝英妻陳氏東安人嫁未二年勝英死時年二十三生遺腹子甘貧守節善事其姑人謂孝節云

鄧勝妻舒氏東安人勝卒時年二十四守志不更撫養幼孤卒年六十二

周倫妻黃氏道人黃文明女也年二十四夫亡子方一

歲勵志守節奉姑孀居五十餘年

諸生何為妻熊氏道人年二十一夫亡無嗣以孀居終

其身

趙英妻張氏寧遠人年二十適趙方七月夫卒守志無他遺腹生于弘長知讀書氏躬紡績以資師友之費弘為縣學生卒年七十九

楊文試妻孫氏寧遠人年十五夫卒無子自誓守志繼母憐其少托所親諷之女泣口以一身而屈重二夫翁

姑老矣弱弟尚幼更誰委耶而眾皆嘆異有泣下者後以

曹翁姑為弟娶婦曰今而必及可見吾夫子于地下矣

樂東賢妻李氏寧遠人年二十六生子延溥方周歲秉

貧亡溥長娶李氏年二十五生子忠讚未周歲溥亦亡

姑婦共志守節撫育孤子對影績紉以供養殮歲荒忍

饑勤事持志益堅邑人以歲寒雙栢稱之

歐陽麟妻鄭氏寧遠人年二十二夫亡無子守節終身

諸生彭瑄妻李氏東安人年二十適瑄三年而瑄歿無

子或以微言諷之曰生不失道以相夫死當完節以見

夫再醮之流禽獸類也言者大慙

郴州漢○歐端妻蔡氏宜童人夫亡養其舅姑舅姑歿

蔡哀戚盡禮柩未殯隣家火蒸抱棺號慟風回火息後
蔡卒盜發其墓雷電交作遂已

本朝○朱守良妻鄧氏桂陽人弘治中強賊至子高虜
執欲強凌之鄧呼天罵賊寧死不屈賊揮刀破其面而
去

潘林妻湯氏郴人弘治中無子自縊以殉林

何仲孚妻李氏興寧人嘉靖中徭寇迫之罵賊見殺

曹文璋妻朱氏郴人年二十而寡撫子悅娶黃氏年二

三亦寡無子家貧姑婦相守世稱雙節

他志以貞淑終

張光字妻馮氏郴人年二十二夫亡無子守志不移

高天霖妻谷氏郴人年十八夫死無子以貞節稱

朱瓏妻趙氏郴人夫歿撫前妻子曼如已出曼亦歿撫

曼幼子以守枯槁終身人無間言

李敷妻黃氏興寧人年二十夫亡無子守志不渝

靖州本朝○蔣頴妻薛氏靖人穎舉于鄉赴禮部試溺

死薛遂自縊天順中旌

陳雋妻劉氏靖人雋任指揮同知陣亡劉以節聞成化

中旌

王志妻方氏靖人年二十五志卒守節五十餘年隆慶六年有司奏聞旌表

陳均保妻向氏靖州衛人歸均保未半載均保死向哀毀既殯恐父母奪其志遂自縊事聞被旌

陶絃妻王氏靖州衛指揮辰之女聘絃未行絃卒父聞之遂自縊因合塋于城北事聞表其墓廬

史斌妻陶氏靖州衛人年二十一夫亡守節被旌黃流妻陳氏靖人年二十一夫亡撫幼子以守被旌

馮仁妻劉氏靖人年十六歸仁僅一載仁卒以節自守李寬妻王氏靖人夫死撫幼子亦卒茹苦勸操以老

姑撫孤撫臣以貞節題其居

龍吟妻王氏會同人年二十一夫亡遺孤得仁甫數月氏誓守志孝養舅姑撫孤卒至成立

唐一鳳妻梁氏年十九會同人夫亡無子梁守志孀居五十餘年

王昆妻趙氏伍開衛人年二十二昆病篤割股以救比卒撫孤終節

周謙妻顧氏伍開衛人孀時年二十撫遺腹子終節劉景妻蔡氏伍開衛人年十九而寡三年不去衰不茹

肉以節自誓
袁氏伍開衛百戶袁傑女八歲聘本衛指揮王載男王
言未婚載犯事病卒言甫七歲禁追父賊亦卒袁遂守
節不嫁

伍開衛中朝所舍人孟煜妻萬氏夫卒年二十八無子
萬誓不再嫁侍翁姑確循婦道苦節踰八十二歲

施州衛本朝○陳瀛妻周氏瀛為監生平時周年二十
三無子父母欲奪之周誓死守節以終

論曰古者閨閣之秀咸立姆訓時教以婉婉聽從而防
其佚志出入有環佩之節居處有馨院之節族間有儀

管之戒坐作有細紉之紅故習服有常情慾無感而自
穆肅雖之德全也秦漢而後先王之教化蕩然矣然幽

娃淑媛往往率其天良或拮据勞勩紀綱邦家或從一
而終不更其志或之死靡他不緇其守雖烈丈夫胡以

加諸何者秉彛夙畀良不俟教而有也以載籍所徵信
則貞姬辭越伯羸郤吳觥觥以節行稱而鄧曼樊姬與

夫子發之母凡若而人其賢智亦足多焉宜其與漸臺
芳烈並傳也樛木之詩曰南有樛木葛藟纍之樂只君

子福履綏之夫君子者男子之恒稱也而婦人亦可以
稱君子者何哉內助刑家之責均也藉今其人貞穆肅

月一

三

列女

雖之德處經不瀆遭變不渝此與能國之若于何異彼
析珪曳組或無當于人國之緩急累至而行不明死至
而節不見幾何不以珪組為巾幗耶微陰教所以翊陽
德也易之家人曰利女貞惡可忽諸

湖廣總志卷第七十一

流寓

按春秋有寓公東晉置僑郡故蓬矢兆夫有事桃梗喻
其流離鶉居旅食泛宅浮居匪類匏瓜儻去墳墓矣荆
楚都四方之中壤土幅長形勝融結是勤車轍馬跡焉
則有量移于州郡引告于祠居睠山川以羈棲避兵燹
以占籍賢豪逋客留滯樛遊即久斲殊觀乃後先輝映
楚國侈以為寶雪泥鴻跡楮韻豔東方太白湖山冒
姓名焉千載且稱故鄉矣經行飄忽興寄詩歌未暇悉
數茲以麗荆土者標其最著爾蓋以人存之也俾知賢

者之迹異方猶述之矧生於斯長於斯榮名之被曷有窮乎志流寓

春秋○左伯桃羊角哀戰國燕人二人為友聞楚王喜待士乃同入楚值雨雪糧少伯桃乃併與角哀令往事楚自餓死於空樹中角哀至楚為上大夫乃言於楚平王以上卿禮葬伯桃於荆門諸里村後角哀自殺下從之因樹葬

列國○荀况趙人時尊稱曰卿嘗論兵於趙武成王前曰要在附民齊之技擊不可以遇魏之武卒魏之武卒不可以遇秦之銳士秦之銳士不可以當桓文之節制桓文之節制不可以敵湯武之仁義王善之年五十始學於齊齊襄王時卿最為老師三為祭酒齊人或讒卿乃適楚春申君以為蘭陵令著書曰荀子

漢○賈誼雒陽人有才名文帝召為博士時年二十每詔令議下盡對各如意帝說之一歲中超遷至太中大夫請一制度興禮樂及列侯就國帝議以任公卿絳灌東陽侯屬乃短賈生帝後亦疏之黜為長沙王太傅三年徵見帝問鬼神之本賈生具道之至夜半帝前席既罷曰吾久不見賈生自以為過之今不及也居頃之徙梁懷王太傅懷王以墮馬死賈生自傷無狀哭泣歲餘

亦死時年三十三孫嘉最好學能世其家

東方朔字曼倩平原厭次人也興國舊志載東方山其

游寓地二子曰靈子妙子亦以書堂名山意者周游方

外而嘗至此耶

李廣號飛將軍武帝時以事使南越道出興寧沿江多

異跡

姜詩廣漢人寓居夷陵事母至孝母好江水飲妻泝流

汲之後值風不即還詩責而遣之母好食魚舍側忽有

湧泉味如江水每旦輒出雙鯉以供母膳漢永平中以

孝廉舉

董黯句章人仲舒六世孫事母孝比隣王寄之母以黯

能孝諷寄寄忌之伺黯出辱其母黯恨之後母死輒寄

首以祭母自陳于官和帝詔釋其罪且旌異行召拜郎

中不就今黯墓在孝感縣城北

周仁周平王次子汝墳侯烈十八世孫至西漢居黃岡

繼烈封侯

丁蘭河內人又云梧州人寓居宜城少喪母刻木為人

髣髴母形事之若生

徐穉字孺子豫章人以高士著名黃瓊嘗薦之不就瓊

歿孺子至安陸持鷄酒于柩前拜而不言姓名郭林宗

法廣紀志 三
曰此必南州徐孺子也遣客茅容追至四十里間問以國事答曰大厦將傾非一木所能支大舟將覆非一繩所能維第與語稼穡之事

穎容字子嚴陳國長平人博學善春秋左氏郡舉孝廉州辟公車皆不就初平中避亂荆門聚徒千餘人依劉表辟武陵太守不肯起著春秋左氏條例五百餘言及雜著詩賦建安中卒

王粲字仲宣高平人善屬文漢獻帝時徙長安蔡邕見而奇之聞粲在門倒屣出迎年七十司徒辟召除黃門侍郎以西京米罄不就及之荆州衣劉表嘗登當陽樓作賦建安中卒其賦以有口遷於荆楚在漢之涇荆亦有樓

董永千乘人東漢末奉其父避兵來居安陸家貧傭耕以養其父父沒貸錢於里之富人裴氏許身為奴以償所貸得錢五千營葬廼感天帝令織女為配遂織絹於裴氏既償錢以贖永身遂辭永騰霄而去

司馬芝河內人漢末避亂荆州嘗出遇賊同行者皆弃老弱走芝獨守老母賊以劍臨芝芝叩頭言老母無養之者賊曰此孝子也殺之不義遂免後仕至河南尹爵關內侯

三國○諸葛亮字孔明其先琅琊人早孤從父玄豫章太守玄將亮之官卒亮僑寓襄陽之隆中躬耕隴畝每自比於管仲樂毅時人莫之許也惟博陵崔州平潁川徐庶謂為信然時先主屯新野徐庶曰亮卧龍也將軍豈願見之先主曰君與俱來庶曰此人可就見不可屈致先主遂詣亮凡三往乃見亮獻議舍操援孫取益州先主善之曹操來征先主在樊率眾南行操追至夏口亮請救於孫權同力破曹先主遂收江南以亮為軍師中郎將使督零陵諸郡遂平成都先主即帝位策亮為

丞相先主病篤謂亮曰嗣子可輔則輔之如不才君可自取亮涕泣曰臣惟恐死不得效死於先主也遂州牧使結吳為援吳不與亮上疏南征屯沔陽攻祁山使馬謖戰於街亭謖違節度為張郃所破復出散關圍陳倉魏將追及亮破之復攻武都射死魏將又出斜谷獲武功五丈原分兵屯田為久駐計相持百餘日亮病卒於軍時年五十四軍退司馬懿案行營壘嘆曰天下奇才亮遺命葬漢中定軍山謚忠武論者謂為三代之佐成景雋魏明帝太和間為豫州刺史攝荆門事南征柝寇遂寓衡之藍山

姜維漢蜀將相傳寓居長沙城北一里白鶴觀後之十

嶺下至今以姓名呼其嶺

在武龍太和間知藍山縣事遂家焉至今族姓蕃衍

彌衡字正平原人少有才尚氣曹操欲見之不肯往

操懷忿欲殺之於是遣送劉表後侮慢表表不能容江

夏太守黃祖福急故送衡于祖祖長子射為卓陵太守

尤善於衡射大會賓客人有獻鸚鵡者授簡於衡因為

賦筆不停綴文不加點後為祖所害

戴仲若燕山人水經注黃鵠山林間甚美仲若野服居

之

○張衡字平子南陽人為桓溫別駕在江陵城西立茅舍

以居織緯為席布衣蔬食安如也後溫徵為尚書郎致

仕還家封質肅公杜詩庾信羅含俱有宅是也今其基

為承天寺

王隱陳郡人博學多文受父銓遺業西都舊事多所詣

充家貧無資依庾亮于武昌亮供其紙筆書成詣闕上

之

南北朝○王鎮惡猛之孫年十三而符氏敗寓食渑池

李方家曰遭英雄主取萬戶侯當厚相報歸晉客荊州

劉裕見而異之曰將門有將署參軍事裕北伐鎮惡為

虎驤將軍

劉凝之劉宋時南郡枝江人慕老萊子嚴子陵之為人推家財與弟及兄子州里重其仁德禮辟並不受攜妻子隱居衡山之陽

宗炳字少文其先南陽人祖承宣都太守徙居江陵父繇之湘鄉令母同郡師氏聰辨有學義教授諸子少文善居喪為鄉閭所稱宋武帝既誅劉毅領荊州辟為主簿不起每遊山水往輒忘歸征西長史王敬弘每從之亦嘗不彌日乃入廬山就慧遠考尋文義兄臧為南

太尉行參軍驃騎道備命為記室參軍並不就衡陽王

義季為荊州親至其室與之歡宴命為諮議參軍亦不起遠遊荆巫南登衡嶽晚有疾還自衡山歎曰老疾俱至名山恐難徧觀唯澄懷觀道卧以遊之凡所遊履皆圖於壁曰撫琴動操欲衆山皆響

陶淡侃之曾孫于長沙臨湘山中結廬居之養一白鹿以自偶親故往候之者移度關水莫得近之州舉秀才淡聞遂轉逃羅縣埤山中終身不返莫知所終

鮑照前宋東海人字明遠文辭瞻逸尤長於樂府最為道勁元嘉中照為河清頌敘甚工始謁義慶未見知於


是奏詩臨川王義慶奇之賜帛二十疋尋擢國侍郎甚見知賞遷秣陵令文帝改為中書舍人于時臨海王子填鎮荊州以照為前軍參軍掌書記之任黃梅正荊州屬照因築室於此今邑治基即明遠舊宅子填敗遂遇害葬治北半里許遺有土堆相傳為參軍墓云

劉虬南陽濕陽人徙居江陵初仕劉宋為當陽令罷官歸齊建元以後累辟不就以西沙州去人遠乃徙居之武帝臨荊州惟與虬談因見二子帝曰之葬必以文章顯之亨當以功名著後二子相繼為荊州太守

便易新野人徙居江陵志在恬靜不交外物以文藝自娛齊臨川王表薦之餉麥百斛不受長史袁柔欽其風贈以鹿角書格蚌盤牙筆易以連理儿竹翹書格報之建武中徵為司空主簿不就

沈約字休文吳興武康人初仕南齊為東陽太守遷侍中建昌侯謚曰隱建元暢樓賦詩八章及五音引南北郊明堂登歌時號絕唱再仕梁累官至中書將軍丹陽尹尚書僕射卒于荊門今城西有沈約墓銘云時日不利不能歸葬咸陽其詳無攷

蕭統字德旋梁武帝長子齊中興初生于襄陽五歲徧讀五經美姿容善舉止每游宴祖道賦詩屬思即成引



從文學之士賞愛無倦今襄陽有昭明文選樓第綸為
郢州刺史遭亂奔匿于武昌沙門巖石下為魏將侯幾
通投之江安陸人郝姓者破敵葬之襄陽望楚山

江淹字文通濟陽人六歲能屬詩及長雋異好奇宋桂
陽王舉秀才齊時為豫章王記室天監中仕至金紫光
祿大夫嘗奉使南楚

韓懷明上黨人客居荊州十歲母患尸疰懷明夜於星
下稽顙祈禱忽聞香氣空中有人曰童子毋須更疾瘥
無勞自苦頃之母安十五喪父晝夜號慟負土成墳賻

絕聲不雙白髮年九十終襄明水漿不入口者一月哭不
身衣衾無所改梁天監中刺史王憺哀言之州累辟不
就

周靈仁之後其先以避西晉亂去黃岡至靈起仕梁為
桂州刺史復歸黃岡

衡陽獻王昌南陳宗室還自長安以王琳阻于中流還
寓安陸謚憲

宗如周憇之後事陳宣帝歷度支尚書後寓荊州子顏
子希華博通墳典為楚儒宗

唐○薛大鼎字重臣汾陰人貫為官奴流辰州用戰功

得還唐高祖兵興謁見龍門因說帝統龍門軍永豐倉
就食傳檄遠近據天府示豪傑為抑背扼喉計帝奇之
以大鼎為饒州道運帥引兵度彭蠡湖以功遷涪州刺
史累徙滄州見棗渠久塞大鼎浚之屬之滄海賈流行
里民歌曰新溝通舟楫利屬滄海魚鹽至昔行今駛
駟美哉薛公德滂被

李勣字懋功曹州人嘗從太宗以軍功進英國公退居
衡山苑六都沙泉

趙冬曦字補闕定州人舉進士神龍初上疏論事開元
初遷監察御史坐事流岳州與刺史張說登樓山唱和

尋召直史館

徐楚玉字安貞開元六年登第官至檢校工部尚書祿
山反楚玉避亂南遊豫章黃龍寺超慧禪師指之居平
江于是適平江下臺建回臺寺居焉

劉晏字士安曹州南華人玄宗封泰山晏始八歲獻頌
行在帝奇其幼命宰相張說試之說曰國瑞也即授太
子正字再遷待御史祿山亂避地襄陽永王璘署晏右
職固辭詔拜度支郎中兼侍御史領江淮租庸事代宗
立復為京兆尹戶部侍郎領度鹽鐵轉運租庸使

李白字太白唐宗室隴西人天寶初玄宗召見詔供奉

朝賢總志

流寓

翰林放還山會安陸宰相許詔妻以孫女居白兆山者
三年其遊江夏漢陽衡州岳陽荊州隨州應城襄州復
州皆有詩後白兆山建有長庚書院

甄逢初名憲臺甄濟之子其先定州無極人天寶十載
濟以左拾遺召未至而安祿山入朝求濟玄宗授范陽
掌書記值來填辟為襄陽參謀拜禮部員外郎宣城楚
昭王廟埭地廣濟立墅其左填死居七年大曆初江西
節度魏少游表為著作郎兼侍御史卒逢少孤長耕城
野自力讀書不謁州縣歲饑節用以給親里大穰則振
其餘於鄉黨貧狹者朋友有緩急輒出家貲周贍以義

監
滋表濟節行與權舉同科宜載國史有詔於外
李泌京兆人少以才敏著聞唐玄宗使與太子

忠惡之奏徙蘄州後唐肅宗即位於靈武泌有功在國
李輔國以泌見親信疾之以畏禍願隱衡山有詔給王
品祿賜隱士服為治室廬今故居在衡山煙霞峰下
元結字次山瑞昌人後魏之裔少不羈十二遊荆節自
學天寶十二載舉進士復舉制科會天下亂流於人間
蘇源明見肅宗薦結可用召請京師結止時議之為教

金吾參軍會代宗立國辭乞侍親歸禁上授著作郎
入琦玕洞一作琦玕一卷或稱浪士漁者
稱為聲中酒徒一作聲中更及官呼為漫郎有子二長
開呼為直者次叔一作叔為正者嘗作詩云將牛何處去
耕彼西山陰叔開修一作修其直者伴我耕又云將船何處
去釣彼大田中叔一作叔能鼓橈正者隨弱翁性耿介有
道憫世之意或仕或隱自謂與世聲牙豈獨行中而
其文辭亦知之然其辭義幽約譬古鏗磬不一作不里耳
而可尋翫在當時名出蕭李下至韓文公稱后之文

獨發元結

錢徽本吳興人父起唐天寶中進士官至考功郎中
第進士居穀城觀察使樊澤表署掌書記累遷翰林學
士承旨後以吏部尚書致仕

杜南初被亂入蜀嚴武鎮蜀往依之表為工部員外郎
參謀軍事武卒蜀亂復避亂移夔州大曆三年下峽至
荆南遊衡山寓居耒陽嘗至嶽廟阻暴水旬日不得食
耒陽聶令知之自具舟迎還常餽牛肉白酒一夕醉飽
卒或謂宿江上酒家為水漂漲聶令堆空土為墳皆不
可信惟元稹墓志云扁舟下荆楚間竟以病卒旅殯岳
陽為是

韋應物京兆人有寓居灃上寄于張二舍人詩

龐蘊字道玄唐德宗時人世業儒父為衡陽刺史卒于任遂家焉居士穎悟渾俗和光嘗以船載家蓄珍寶數萬沉之於洞庭之深淵通禪學嘗謁江西馬祖問不與萬法為侶者是甚麼人馬祖曰待汝一口汲盡西江水却道居士大悟後徙家襄陽潔身脩行臨終招刺史于頓謂曰但願空諸所有慎勿實諸所無言訖奄然而化世號龐居士

韓注仕唐為諫議大夫貞元間以言事忤旨貶岳州適

意湖山遠絕世務杜甫寄韓諫議詩濯足洞庭望八

注也
遜隴西人客居荊州仕唐累官給事中故

日聽政遜上書諫憲宗從其言後為忠武忠節度使為政抑強植弱有績可紀弟建隨兄客荊州事母以孝聞貞元間查補校書郎德宗擢翰林學士初建苦貧兄造為營山使成就之故遜建皆舉進士後雖通顯具以清儉稱

段承式字柯古臨淄人文昌之族也博學強記有文名仕至太常少卿寓襄陽木香村撰楊柳宮詞後徙辰州撰酉陽雜俎二十篇

吳璋先世居奇嵐州僖宗朝為吏部尚書屢詆宋濫棄
官隱平江鳳棲鄉

裴休孟州濟源人唐乾符間由太子少保分司東都歷
荆南節度鎮長沙因僑寓焉

鄭谷字守愚袁州宜春人七歲能詩光啓三年舉進士
乾寧間以都官郎中退居荆門馬仰山嘗寓州治南石
隱士有白杜已應無故老清江依舊遶孤城之句其詩
清婉明白為薛能輩所稱賞詠鷓鴣尤工世號鄭鷓鴣
所著有雲臺編宜陽集各三卷國風正誤一卷

五代○梁震蜀依政人梁開平元年進士寓江陵高季
昌愛其才識留之欲奏為判官震耻之欲去恐禍及乃
曰震素不慕榮官明公不以震為愚必欲求謀議請以
白衣侍樽俎可也季昌許之震終身止稱前進士乃為
之築室於土州披鶴氅自稱荆臺隱士每詣村騎黃牛
至廳事高從誨時過其家四時賜與甚厚

王彥章字子明鄆州壽張人為行營先鋒馬軍使驍勇

絕倫每戰用二鐵鎗皆重百斤一置膝中一在手所向
無前時人謂之王鐵鎗及敗於中都為唐將魯可素所
擒彥章武人不知書嘗為俚語謂人曰豹死留皮人死
留名其忠義蓋天性也唐莊宗多方諭之不屈遂見殺
國經云彥章幼居孝感之九嶼山

吳澄字元清婺源人後唐長興四年以博學明經試時
務薦于朝布衣召對奏富國裕民練兵之術稱旨明宗
嘉納特授光州節度判官致仕以廉介取知於時荆襄
州郡缺官當塗多辟澄代之時軍興多事民困征役澄
所至極力撫育凡為民害者聞于朝除之同事多自忌
者即不仕隱居岳州穆家壩喜遊雲山川之勝慕遊若
先生之故基遂卜居于平江之白岩

薛澄字景猷河東汾陰人也會祖弘敞值赫連之亂率
宗人避地襄陽澄早孤家貧躬耕以養祖母有暇則覽
文籍澄既羈旅不被擢用京兆軍潛度謂澄曰君門第
非下身材不劣何不曳裾數叅吏部澄曰世胄躡高位
英俊沉下僚古人以為歎息竊所未能也終日讀書手
自抄畧將二百卷惟郡守元襲時相要之澄與抗禮族
人懷雋每勸之營產業亦恬然自處不改其舊晉泰中
拜給事中加伏波將軍

嚴隆關中人節度使武玄孫也父廣遠仕馬氏為評事因以女適周行逢至隆遂遷華容死塋石首鹿湖山今其家分為八族

韓宗訓周世宗養子嗣立三年宋太祖初封鄭王遷於房州以辛文悅長者幼習師事之俾為房州守以防其變

郭昱周顯德中舉進士未嘗干宰相趙普詔署襄州觀察推官潘美鎮襄陽辟昱為幕僚雍熙中流寓襄樊

柳拱辰青州人五季時避地荆楚遂為武陵人精易春秋宋舉進士通判鄂岳州有奇變後致仕歸武陵有歸

老矯曾作記第應辰子平猷等皆相繼擢第人號武陵五柳

陵五柳

宋○胡旦濱州人大平興國初舉進士第一尚氣節以文章名世任秘書省少監致仕居襄陽喜讀書晚年喪明令人誦經史馮几聽之

趙廷美宋太祖次子封秦王太平興國七年貶涪陵縣趙普以廷美居西京非便諷知開封府李符上言廷美無悔心且怨望乞徙遠郡以防他變詔貶房州以郭彥

進知房州袁廓道判事伺察之王世則廣西臨柱人寓居應山縣宋太平興國八年進

王世則廣西臨柱人寓居應山縣宋太平興國八年進

士第一自是宋庠鄭解相繼大魁

孫何蔡州人父鏞知荆門軍何與弟僅讀書荆門之東

山淳化咸平兄弟相繼狀元及第

從吉彭城人真宗時坐上書訟父寃除名配隨州

趙振字仲威雄州人景德中從石普有功徙湖北都巡

檢後坐謫潭州安置

王欽若臨江人父仲華侍祖郁官鄂州母李氏將免娠

會江水暴溢過舍亟遷黃鶴樓即生欽若

歐陽脩吉水豐人少孤依叔父都官員外郎晬家於隨

文詒生舉

程顥字伯淳河南洛陽人明道初父珦為黃陂尉顥誕

于邸舍珦移南安通判春陵周茂叔為參軍顥時年十

五珦遣從遊學既有得率性會道踰冠舉進士授永興

參軍調鄆上元主簿遷晉城令熙寧初以御史中丞呂

公著薦授太子中允帝素知顥名數召見一日論事久

報正午趨出庭中人曰御史不知上未食乎進說大要

以正心窒欲求賢育材為言務以誠意感悟主上王安

石更法顥居職八九月數論時政安石故與相善及是

雖不合猶敬其忠信不深怒但出提點京西刑獄顯固
辭改僉書鎮寧軍判官司馬光稱其賢特遷太常丞帝
又欲使修三經義執政不可命往扶溝治廣濟蔡瀕河
惡子境無焚剽患除判武舉李定劾其首議新法罷歸
又坐獄逸囚責監汝州鹽稅哲宗立召為宗正丞未行
平諡純公

程頤字正叔與兄顥同受學於茂叔年十八上書闕下
欲天子黜世俗之論以王道為心間遊大學海陵胡瑗
諸生頤子所好何堅獨頤論謂學以至聖人之道大
初司馬光呂公著上其行義授西京國子監教授

以秘書省校書郎召入見頤上疏論經筵三事命克崇
政殿說書再辭而後受命上疏論延和講讀垂簾事宜
乞時召講官至簾前問上進學次第復上疏請復殿上
坐講故事頤每進講必宿齋豫戒潛思存誠冀以感動
上意且曰吾以布衣職輔導亦不敢不自重願以天下
自任論議褒貶不避由是朝士疾之如讐巧為謗詆諫
議大夫孔文仲又極論請罷歸田里遂出勾管西京國
子監辭不報會憂去服闋復除西監加直秘閣御史董
敦逸撫疏中怨望輕躁語去官紹聖間以黨論坐竄浩

州編管元符初移峽州還洛復權判西京國子致仕遷居龍門之南晚年著易春秋傳卒諡正公願與兄同受學而克養各詣其極蓋以誠為本以聖人為師一時學者多出其門稱二程先生云

韓琦相州人兄堯一名瑤為黃守琦侍兄寓居安國寺讀書白晝青燈風雨無怠明道中登進士慶曆中拜相黃人想其德望為立祠于讀書處

侯仲良河南人寓居當陽扁其館曰時習呼二程為舅氏蓋程門高第也朱熹嘗稱其學清白勁直

之稱也蔡室湖北讀書焉今日書臺

宋庠宋祁宋雍丘人父杞為應山今庠初隨父僑寓安陸竝以文學顯庠進士第一嘉祐中拜相封鄭國公卒諡元獻祁累官知成都府終翰林學士承旨卒諡景文王齊萬秀才西蜀人寓居武昌縣劉郎泐蘇軾贈詩云傾家取樂不論命散盡黃金如轉燭惟餘舊書一百車方舟載入荆江曲江上書山亦何有五湖遙望劉郎藪劉彛福州人嘗從胡安定講學以善治水見稱所至輒有惠政熙寧中累官直史館神宗時知桂州禁與交人互市交趾陷欽廉邕三州貶均州團練副使安置隨州

又除名為民編隸襄州

沈括錢塘人宋神宗時景思誼曲珍拔夏之磨崖葺廬
浮圖城括議築石堡臨之天子使徐禧治廊延而城永
樂詔括移府併塞濟之已而夏人寇永樂而禧敗沒括
坐不救謫均州團練副使安置隨州

邢居實恕之子有異才從恕居隨州作南征賦

朱服字行中烏程人熙寧中進士元豐中為御史坐與
蘇軾游蘄州安置

李安國宋熙寧間自洪都徙新化事母孝在位者以其
行彰著請入學教邑子弟未幾以奉教水辭歸邑民敬
之有詩百餘篇號梅山老人集

張伯常河南人隱而不仕移居郢州司馬光送以詩曰

楚江白逶迤楚山碧參差玉炊稻粒長縷切鱸魚肥

米芾吳縣人寓居襄陽為文務奇險善書畫好古鐘鼎

器皿法書宋時補秘書郎累官知淮陽軍子文仁從高

宗南渡至列曹侍郎工書法人以大小米帖別之

陳慥字季常蜀人寓居黃岡號方山子又號龍丘子幼

嗜讀書以溪山自娛蘇軾謫黃與之往來倡和為作方

山子傳

洪渥臨川人進士有文名監麻城茶場以死清貧不能

歸葬其孥遂家於麻城

范致君父愉仕宋為安州掌記致君登第後寓隨讀書
陳瓘字營中沙縣人神宗朝任權給事中忤蔡京著邊
堯錄以排王氏宰相曾布使客餌以高爵瓘乃移書論
其過布見大怒爭辯移時至箕踞諍語瓘色不為動宗
寧中除名竄袁州後移郴州改衡州
田儻燕人為江陵尉因家焉作傳古堂藏書五萬七千
卷無重複者黃魯直曰吾校中秘書及遍遊江南文士
圖書之富未有過田氏者

范純粹蘇州人仲淹子累官龍圖閣直學士知金州
元祐黨落職鄂州安置

范純仁蘇州人宋哲宗時知陳州因上疏忤章惇意貶
武安軍節度副使永州安置時疾失明聞命怡然就道
每戒子弟毋得怨惇江行舟覆扶純仁出衣盡濕顧諸
子曰此豈章惇為之哉徽宗即位召還

邢繹字子儀其先鄭人父倬宋知鼎州因家焉繹以蔭
入官元祐中知筠州俗多鬻訟平政清簡漸以無訟作
燕居堂榜曰江西道院後倬襄與帥爭疑獄因不仕起
知興國軍秩滿歸武陵號復庵居士

林用中與朱張二子同遊觀元祐間司馬光薦之除知

處州不就請監南嶽廟

秦觀字少游高郵人少豪雋有文譽元祐中為秘書省正字兼國史編脩強志盛氣好大而見奇紹聖初坐黨籍出通判杭州嘗見蘇軾於徐作黃樓賦以為有屈宋才後以御史劉拯誣其增損實錄監處州酒稅尋削秩徙郴州安置騙管黃州

劉奉世臨江人敬之子仕宋為簽書樞密院事紹聖初知成都府為曾布所譖謫光祿少卿分司南京居郴州常云家世事君內省不愧恃士大夫公論而已得喪常也正須安以處之

呂大防藍田人宋元祐初為尚書左僕射與范純仁同心輔政宣仁太后崩出知永興軍未幾言者論其隳壞後法貶秘書監居邳州哲宗問其兄大忠曰大防安否為即寄聲問之二三年可復相見也

韓維開封人累官資政殿學士元祐中拜門下侍郎忌者讒之出知鄧州以少傅致仕紹聖中坐元祐黨均州安置

張耒字文潛淮陰人累官史館檢討紹聖初以直龍圖閣知淵州坐黨籍謫監黃州酒稅徙復州起為黃州通判後知潁州府監南嶽廟聞蘇軾訃以師弟子禮舉喪

言者論其罪貶房州別駕黃州安置

趙彥若宋宗室為翰林學士紹聖初章惇當國惡元祐

黨人以彥若預脩神宗實錄謫居澧州

龔夬字彥和瀛州人進士及第為河陽判官紹聖初拜

御史論劾章惇蔡卞蔡京編管房州卒紹興初贈諫議

大夫張商英新津人仕宋為御史裏行以言事出監荆南鹽

商稅又以忤蔡京安置歸州尋移峽州

胡安國武夷人父淵寓蹟荆湖間至安國為湖南提舉

學事為蔡京所惡退居當陽之章貢後仕至寶文閣直

學士卒三子寅寅字宏皆以德學者稱寅仕至禮部侍郎

常著讀史管見寧為大常丞著春秋通旨後徙居衡山

下卒葬湘潭

鄒浩字志元晉陵人幼以道學行義知名于時哲宗召

對除右正言諫立劉后除名編管新州徽宗立遷吏部

侍郎尋以元符黨人謫衡州別駕未州安置

范祖禹字淳甫成都華陽人為翰林學士從司馬光編

通鑑居洛十五年哲宗時請補外知陝州言者希章惇

意論其脩實錄詆誣又摭其諫禁中顧乳媪事連貶昭

州別駕安置永州

陳祐字純益仙井人哲宗末以吏部員外郎拜右正言
論章惇蔡京蔡卞郝隨鄧洵武忤旨編管澧州復承議
郎

劉安世魏州人哲宗朝為右正言嘗論蔡確章惇等安
要定策之罪及惇入相落職謫嶺外徽宗朝既復職復
貶峽州

呂希純河南人公著子哲宗時為起居舍人張商英憾
之紹聖初商英為諫官乃攻希純遂謫舒州團練副使
道州安置

陳與義字去非其先居小兆徙洛陽改和名權降
高宗南遷遂避亂襄漢行路萬里能以山川秀傑之氣
益昌其詩賦詠尤工號簡齋體久之召為徽猷閣直學
士

陳過庭字賓玉山陰人徽宗朝為御史中丞論事忤權
貴罷知蘄州未幾謫海州團練副使黃州安置

張廷堅廣安軍人舉進士歷官右正言數上封事嘗為
徽宗言司馬光呂公著之賢後通判陳州以不附蔡京
列黨籍又坐嘗談瑤華宮非辜編管虢州徙鼎州

陳師錫建陽人徽宗時為殿中侍御史以言事忤旨出
知潁州後削秩安置郴州卒師錫始與陳瓘同論蔡京

蔡卞時號二陳

曹輔南劍州人仕宋為秘書省正字徽宗多微行輔上
疏切諫太宰余深曰爾小臣何敢論大事對曰大官不
言故小官言之官有大小愛君之心一也少宰王黼奏
不重責輔無以息游言遂編管郴州處郴六年怡然不
以介意

孫傳海州人為中書舍人宣和末言高麗入貢使者所
過騷擾勞費妨農宰相以其所論同蘇軾奏貶蘄州安
置

杜方宋通判密州建炎初寓居武陵會賊鍾相亂欲強
使從已時黨不絕口遂遇害

胡銓字邦衡廬陵人建炎二年進士除樞密院編脩奏
檜主和議銓抗疏倡正議排之檜特詔除名諫官羅汝
楫劾銓飾非橫議詔編管新州檜死銓量移衡州因留
家焉銓初上書宜興吳師古鋟之金人募其書千金其
謫廣州陳剛為賀正郡王廷珪以詩贈行皆流竄孝宗
召歸經筵加資政殿學士諡忠簡

張根江西德興縣人由進士官至龍圖閣直學士高宗
建炎間以不附和議忤旨安置郴州

王濟開國元勳王審琦十世孫父宗桌乾道四年自河

南開封府誥封脩武郎濟嘉定四年誥封忠翊郎高宗南渡護蹕南來保障江黃任蘄州刺史見金勢猖獗寓居富池即今廣濟卒塋于車坊山

王廷珪吉州安福人其郡人胡銓以排和議謫過海廷珪送以詩曰癡兒不了公家事男子要為天下奇秦檜怒流辰州武將馬羽攝郡事待之甚厚廷珪謝曰某罪人也將累公羽曰由公獲譴其榮多矣史遣子受業後遂登第

范彥暉紹興間為太府寺丞作又陰詩云何當日月明胡先花王病秦檜指謗山風言者謫貶荆門因家焉胡宏字仁仲幼事楊時吳仲良而卒傳其父之學優游

衡山下餘二十年張栻師事之紹興間上書請復讎去權奸宏初以蔭補右承務郎不調秦檜當國貽書其兄寅問宏何不通書宏作書止敘契好辭甚厲人問之宏曰政恐其召故示以不可耳檜死宏被召竟以疾辭卒於衡山註皇王大紀著書曰知音

折彥質雲中人紹興中累官至簽書樞密院事初趙鼎為相屢薦彥質後秦檜專相以彥質為鼎所引郴州安置自號葆真居士

王德字子華通遠人初隸姚右軍金兵入寇手戮數千

百人狄人皆呼為王夜叉後趙鼎論之特加原宥編

郴州 李綱邵武人宋名相建炎初罷為觀文殿大學士提舉

洞霄宮會陳東言黃潛善汪伯彥不可任綱不可去後

有旨綱落職居鄂州

張浚廣漢人宋高宗時為相封魏國公寓居潭州因家

焉浚都督諸軍事奏以子栻主管機宜文字累官直秘

閣後累遷秘閣脩撰知江陵府

邵宏淵大名入寓武陵宋高宗時賊鍾相反于湖湘宏

淵將兵擒其渠魁授鼎豐統領湯公已州公以擊之

降金將蒲察徒移等累戰有功仕至遠軍節度使

王庶慶陽人宋紹興中樞密副使秦檜主和庶力詆出

知潭州為中丞勾龍如淵劾罷歸已江御文胡汝明又

論其譏訕朝廷請三德軍節度副使道州安置卒于貶

所

岳震父飛討李成駐兵黃梅詔進屯洪州以平卒經獲

攘之後他人莫可懷輯因留震彈壓後被檜禍震姓名

匿大河民間子孫遂家焉至今遺有故宋勅命及武穆

征討鳴金一面每值時世方隅有警則此金不敲豫鳴

岳飛第五子知九震在黃梅可依潛奔衆焉古誌云
岳飛五子雲雷震雲雷與難霖臨陣亡震雲潛住
黃梅故鄉賢舊祀有曰忠臣岳震然飛死於高宗紹興
十一年至二十五年乙亥上距辛酉十五載矣檜宿恨
尤存惡岳州與飛同姓改為純州子孫亦不敢以岳為
氏孝宗登極卹錄與恩者祇原徙嶺南雲雷文裔而此
派不及至追贈忠武鄂王震雲子孫在梅地者悉宗鄂
姓入今析為十二戶鄂家云

寶為岳飛裨將嘗從破楊么有功及飛遇害寶遂散

部曲隱居華容東山卒塋焉有墓亭
以敦厚仕宋為侍郎言事忤秦檜謫居靖州

丙燁吳興人仕宋為左從政郎嘗和沈長卿詩云寧令
漢杜繆變作莽乾坤坐謫武岡軍秦檜死始放還

李褒開封人朝散郎自襄陽僉幕致仕居安陸荆草堂
與黃薰諸公遊日以詩酒為樂今堂基在應通廟之東
郭雍河南人父忠孝從程頤學得其傳持憲陝西死於
金人之難雍退居峽州放浪長陽鯉魚山乾道間徵不
起賜號冲晦處士孝宗時封頤正先生雍傳其父學慕
遺書有易說中庸說行于世其九球有文學號白雲先
生

蔡元定字季通建陽人父發號牧堂老人元定登西山
絕頂忍飢啖齋讀書徃師朱熹熹扣其學大驚曰此吾
老友也不當在弟子列四方來學者熹必俾先從元定
質正焉以薦召之堅以疾辭築室西山將終焉時韓侂
胄禁偽學以空善類臺諫承風專肆排擊然猶未敢誦
言至沈繼祖劉三傑始連疏詆熹併及元定謫道州州
禁捕甚急元定不辭家即就道熹與從游者數百人餞
別蕭寺中坐客興嘆有泣下者熹微視元定無幾微見
于面日乃喟然曰友朋相愛之情季通不挫之志可謂
兩得春陵人士咸趨聽講侂胄誅贈也以部論文即
蔡沈字伯默元定之子從朱文公遊晚受父師之命
書傳發明先儒之所未及深究洪範數學始從元定謫
道州跋涉數十里道楚粵窮僻處父子相對常以理義
自怡悅元定沒徒步護喪以還有遺之金而義不可受
者輒謝却之曰吾不忍累先人年僅三十屏去舉子業
一以聖賢為師隱居九峯當世名卿物色將薦用之沈
不屑就

劉光祖簡州人仕為起居郎宰臣韓侂胄擅政目士大
夫為偽學逆黨光祖撰涪州學記謂好惡出於一時是
非定於萬世諫官張釜指為誇訕奪職謫居房州

曾紘南豐人徙家襄陽博學善屬文號臨漢居士子思
號懷峴居士亦能文俱有集行于世

秦紘山東單縣人以御史忤權要謫北洛驛丞辰郡士
多從之遊構亭驛傍日夕講論其中累官戶部尚書

魏了翁仕宋為起居舍人以論事鯁直史彌遠諷御史
梁成大李知孝劾之遂謫居靖州築鶴山書院六年閉

戶讀書著詩禮易春秋要畧及語孟要義凡百餘卷後
奉祠歸蜀

孟宗政本絳州人父林從岳飛至棗陽因家焉開禧初
金人犯襄鄧宗政率義士數擊捕棗陽令轉京西

敗走尋報棗陽圍急宗政午發峴首達明抵棗陽馳突
如神金人大駭宵遁

歐陽守道 歐陽新守道字公權一字迂父吉州人初
名巽少孤貧無師自力於學年未三十翕然以德行為

鄉儒宗淳祐元年第進士授雋都主簿調贛州司戶守
江萬里作白鷺洲書院首致守道為諸生講說湖南轉

運副使吳子良聘為嶽麓書院副山長守道初升講發
明孟氏正人心承三聖之說學者悅服宗人新及子必

秦先寓居長沙聞守道至往訪之初猶未識也晤語相
明黃惠志

契守道即請于子良禮新為嶽麓書院講書新講禮記
天降時雨山川出雲一章守道起曰長沙自有仲齊吾
何為至此仲齊新字也踰年新卒守道哭之慟自銘其
墓又薦必奉柁當道子良代新守道復還吉州

謝枋得信州人寶祐間教授建寧府考試建康摘賈似
道政事為問坐訕謗追兩官謫居興國軍建豐山書院
柁州東專務講授著書後宋亡死事

康叔臨謝良佐高翁避世巴陵

文天植廬陵人大祥元寶祐間鄉舉署廣濟學諭造士
有方邑治丕變以天祥死節不忍仕元遂寓廣濟之五
里橋東家世業儒迄今未艾

趙葵衡山人京湖制置使方之子初生於蒲圻縣西梅
隱坊或夢南嶽降神其家後為名臣

程居字谷隱珣之後裔籍隆興府武寧縣咸淳二年授
漢陽縣主簿後徙蘄州居查山東迨今子孫宗之

王丙發字次字廣都人博學強記雄文清辯咸淳戊辰
登進士是時賈似道專政丙發對策抗直和陶淵明歸
去來辭以見志累徵不就徙居慈利終隱焉子元明讀
書尚義學廩不贍出金市租以助祭器未具出錢範銅
為之憲司薦岳陽學錄轉澧州教授咸有譽績

謝端遂寧人宋末避兵江陵因家焉弱冠時與大都宋本同師王奎文明性理之學又同教授江陵城中時號謝宋後本擢進士第一仕至工部尚書端亦累官翰林直學士

宋衛潞州人祖元吉仕金為兵部員外郎衛善紀誦能文避地襄陽後北歸居河內元初趙壁經畧河南聞其名禮聘之其後大兵守襄陽壁行元帥府事衛皆從焉軍中多所咨訪

鄧得遇邛州人宋徙居湘鄉累官靜江府元兵至得遇朝服南望拜辭書幅紙云宋室忠臣鄧氏孝子不忍食生寧耳溺死彭咸故后乃吾潭府屈公子平乃吾伴也優哉悠哉吾得其所遂沉于水而死

元○李孟字道復潞州上黨人徙居漢中再徙居孝感生而敏悟七歲能文儻有大志博學強記通貫經史遠近之士多從之至元三年拜中書平章政事同知樞密院時釋老二教設官統治權抗有司乃奏罷僧道官天下稱快皇慶二年仁宗賜以孝感地二十八頃入見必賜坐稱其字而不名延祐元年復拜平章政事二年解政歸孝感卒諡文忠

劉安叔廬陵人至大間為澧州路總管秩滿籍居安鄉

永豐村

范瑄延女人任衡州路推官年老賜几杖免丁侍養遂家于衡陽

李希賢遼東人延祐間乞老賜几杖免丁侍養遂家于衡陽

察罕西域人博覽強記通諸國字書元仁宗時累官參知政事得大臣體暮年居孝感白雲山別墅以白雲自

號嘗入見仁宗望見曰白雲先生來也其被寵遇如此

趙吉甫其先蜀人徙居王沙與魯齋許衡友善衡至武

昌首問吉甫謂人曰吉甫天資聰俊高衡一著則其人可知矣自號拙存以文學名於世

杜敏漢嘉人其祖因避亂自蜀至公安因家焉兄弟六人好學不倦俱以儒業顯誨仕元為著作郎歐陽玄讚其像

何廷蘭其先鳳翔人徙居公安仕元踐登省臺三十餘年納忠陳善秉節不阿

曩素彝元蒙古人一名嘉台寓居澧州受學於瞿炳中湖廣鄉試第一舉進士授蘇州錄事官至河南省參政

鄭菊隱其先閩人徙居長沙元統間再聘不起

姚燧字端甫姚樞從子任翰林學士承旨湖北提刑副

使後辭老寓居潛江舊縣北建藏書樓卒諡文事見白

鶴樓

蔣翹之江西廬陵人掌羅田學教因隸籍焉工吟咏凡

山水之勝多經品題

丁鶴年其先西域人元末寓居武昌之西山博學能文

慕蘇長公之勝蹟結亭誅詩性耿介不混塵俗年九十

終有詩集

龍仁夫永新縣人元末徙黃州明五經為特授式授陝

西儒學提舉學者稱為麟州先生

季德成四川羅江人慈利州判官元季兵亂遂僑居于

澧

劉九誠山東朝邑人至正間為湖廣叅知政事兵亂寓

居安鄉軍家村

蔣彥忠南昌人勸課斬黃元末兵盛遂隱居黃岡庶安

鄉講學授徒因家焉

洪雋江西饒州人忠宣公皓之裔也元末授江州路建

昌令再授廣州路清遠令知世代將易掛冠不仕攜四

子二女過淮訪舊經蘄之黃梅悅山水環秀買田築室

隱居於此子孫世家焉

張填字直翁其先清州人避居耒陽延師教子作舍館
賓賑貧施藥多有善行

易炳文襄陽人元末隨父友旺徙居沔陽父喪炳文廬
墓六年哀慕終身時人慕之多遣子弟從之游鄉人稱
易孝子居前有池產蓮一蒂二花人以為孝所感

張德遠吉水人由鄉舉授大理評事時蜀川紛擾奉命
討平賜金帶致仕洪武間遊公安因占籍

國朝○詹同字同文舊名書婺源人至正中授郴州路

學正避亂黃州因家焉仕為漢為翰林學士承旨高

皇帝下武昌授國子博士易今名洪武元年命畫孝

及起家戰伐歷試愁苦為圖以垂世訓劉基疏請加禮

大臣同因取戴記及賈誼疏以進開說剴切六年陞翰

林學士承旨兼吏部尚書與宋濂等為總裁官編輯日

曆寶訓以老乞歸復起為翰林學士承旨

管訥字時敏洪武初任楚藩長史四十餘年以忠謹稱

致仕王奏留棹養終身能詩著有蚓竅集秋香百詠詩

楊士奇廬陵人洪武初為學官以失印避罪至武昌流

落無依變名曰楊立可時楊仲舉戍武昌士奇途中值
兩偶憇仲舉家見其方為童子句讀與談有契士奇因

善易遂許授焉仲舉下拜願終其聽士奇以無資為言
 仲舉即讓館與之而自教授于他處在昌士奇家
 楊仲舉姑蘇人洪武間成武昌楊文貞公避地過其家
 立談投契遂為患難交文貞被薦乃相引援仲舉累官
 尚書

范承吉其先姑熟人學士常之後洪武初徙居蘄水北
 之士門少孤廬母墓三年一日之野獲遺金數百守之
 以還遺者有司以孝義扁其門其子後遷黃之魚博村
 俞或字文域錢塘人洪武中以先世事謫居興國喪母
 家貧而嘗建言除佛老毋施藥濟貧寓豐山於十年時

文自娛不束人知有豐山錄三卷無子不再娶後
 老物號心隱晚年號孤落子自為傳有軒曰瓜軒自為

記

覃達石門人徙枝江偽陳萬戶甲辰歸附乙巳除荊州
 衛副千戶洪武十二年調征四川黃坪寇奮不顧身刃
 賊數人而死以忠勇功 賜營壘于大溪坪後裔累陞
 衡州衛指揮使尋改長沙仍以此為籍云
 瞿大成其先合肥人通之探能第三子洪武三十二年
 能副李景隆血戰靖難兵于白溝河敗績及長子大芳
 俱死之靖難兵既南向無前大成懼逃之黃梅遂家焉

明年大都督柳良政被補遵化戍籍三十五年從征鞏
 鞏大破虜於鐵嶺可汗坤帖木兒死丞相馬兒哈咱也
 孫台樞密知院阿魯台歸款論功得武功中衛百戶尋
 授親軍都指揮使司世券以奉通祀今圖籍猶存
 李晟廣西永福人永樂中隨父李縉紳遊宦中江西鄉
 舉授常熟教諭議論嚴整多所造就陞平江縣知縣致
 仕父為遼府教授遂家焉弟昂廣西鄉舉官至浙江會
 事卒歸葬江陵

阮居仁交趾東潮州人洪熙間為臨湘知縣遷河南通
 判以老乞歸宣德間奉使北地北使止人仕國中者
 禁不許還遂家臨湘則上汪云居仁穆穆以終漁漁
 所重

周浩字李深四川人正統間仕黃州同知秩滿陞石阡
 知府致仕附籍

王越字世昌濬縣人景泰中進士授御史歷遷都御史
 巡撫大同越豁達有才畧值北虜滿都魯孛羅往甘肅
 西海越率兵蒐套大有斬獲陟兵部尚書封威寧伯言
 者論其邀功開隙謫居安陸復起左都御史總制三邊
 加太子太傅

周銓揚州人其先戍籍雲南景泰間鄉薦天順進士寓

居江陵任刑部郎中慎于用罰能聲丕著

毛翔定遠人戌籍雲南天順壬午鄉薦任巴陵教諭寓

居江陵遂家焉

李克嗣字士脩其先隸籍內江父吉安為華陽王府教

授遂家澧州舉成化丁未進士初知隨州廉明誠篤治

民事如家事隨人德之歷都御史巡撫應天浚蘇州白

卯江進南京兵部尚書致仕克嗣襟度弘遠所至以政

績聞

楊一清字應寧其先雲南安寧州人父景官澧州總娶

巴陵張氏女附籍巴陵一清幼穎敏同知鎮江胡欽午

以文配焉薦舉奇童為翰林季不成化壬辰舉進士授

中書舍人景卒于京邸一清歸櫬巴陵舟經鎮江欽留

之遂家丹徒後薦陞副都御史督理茶馬巡撫陝西總

制軍務逆瑾擅柄逮詔獄大學士李東陽救免會寘鑄

據寧夏以叛仍起總制西夏遂與監軍官張永以密策

發瑾罪瑾以此伏誅召為戶部尚書尋入內閣加少師

大學士吏部尚書被劾去尋起兵部尚書召入內閣以

與議大禮者不合疏其過削籍後復其官卒隆慶初謚

文敏

沈鍾應天人弘治間任湖廣提學副使發明經旨士習

不憂遂家江夏性恬澹所居一室圖書數卷焚香靜坐而已

劉武臣內江人弘治舉進士任知府徙居澧州博學

能文都御史吳廷舉聘脩通志

吳欽仁和人舉進士為刑部郎中訊鞫詳慎有迎駕籟

寃者連引千數輦欽悉縱之嘗奉勅賑饑慶陽全活

甚衆後任湖廣副使督屯奪其侵于豪右者五年增賦

十萬尋以病解職貧不能歸家河終焉

牟斌韋壘俱錦衣衛指揮正德初淮安知府劉祥忤

中官逆瑾怒逮祥下獄使斌劄訊之二人明祥非罪帝

愈怒矯制誅斌壘河陽衛百戶而祥竟論戍邊兩人徙

居省城嘉靖初詔復其官而斌先卒壘得命未幾亦卒

兩人皆讀書能文斌純謹簡靜壘雅飭稍通融在邸舍

中瀟然如儒生士論高之

劉瑞字德符內江人進士翰林檢討以忤劉瑾勅致仕

奉母就道迂由蘇浙放武陵止澧家焉澧諸生及四方

士從遊甚衆提學蔡潮為澧蘭書院瑾敗起累官禮

部侍郎

王守仁字伯安號陽明餘姚人正德中由吏部主事忤

逆瑾謫貴州龍場驛丞歷南考功太僕鴻臚以副都御

史督南頓戡定徭寇討平寧藩之亂進兵部尚書封新
建伯督兩廣卒早有異質徧究諸家憫訓誥之習塗民
耳目毅然以明道正人心自任直指良知於是海內翕
然宗之初赴龍場往來常辰留辰虎谿寺者數月學子
興起至今不衰

湛若水字元明號甘泉增城人弘治中進士授翰林院
編脩歷南京兵部尚書嘉靖癸丑年八十八遊衡山講
明正學楚士為立書院請衣冠候塋乃其師新會白沙
陳公嘗期嘉魚大厓李子為衡山遊不果至是立祠并
植衣冠祀之逾三年丙辰年九十一再至有持南嶽講

李 古 八 正 德 以 一 函 九 諸 生 薦 省 元 舉 戊 辰 進 士
厚 千 言 本 任 平 部 一 山 砥 礪 志 行 追 縱 古 人 不 解 流
必 一 不 炊 正 襟 對 客 意 酒 如 也 及 仕
隨 則 出 天 性 時 稱 名 流

顧 素 白 因 自 號 海 翁 人 業 以 海 翁 稱 之 晚 居 江 陵
之 天 更 號 鵝 池 生 宋 氏 故 新 河 農 家 其 先 嘗 累 高
皆 生 少 失 父 母 以 亡 此 者 家 益 貧 然 性 嗜 酒 家 貧 不 能
長 得 酒 則 時 時 發 憤 讀 古 人 書 見 前 世 結 纓 射 書 擊 筑

景印諸賢豪急難奇節未嘗不慷慨悲歌泣數行下也
生始慕俠能挽彊馳騎間出其餘智為小詩輒自喜不
欲以示人又稍稍通繪事師江夏吳偉鄰之父有頽而
鬢者上歲為之貌絕肖父因勸生益習此可作生業何
乃 荖魏里中也生不應以是里中盡目為狂生
之所矣夕 二十會一歲間妻子女五人俱相繼死生
仰天嘆曰 左天平將驅我於埃壙之外乎遂屏家於
其兄而自盡 遠遊遊至博陵博陵有故所善客憐之
餼之 生默默不自得竟謝去去之京師日跨
一 行長安道中往來覓詩方是時臨淄布衣某以
者而令七尺軀津津設貴人西活即居京師月餘亡所
遇又去之渤海入兗州登嶧山觀秦皇帝遺碑還居長
白山一蕭寺出囊中故所貯漢魏盛唐名家詩閉關揣
摩如是者三年頗窺作者之戶遂大放厥詞而於五言
尤工眼駸駸白亡今人矣又去而浮淮海渡揚子江登
北固山以望金陵鍾山紫氣過雲陽匍伏延陵季子祠
下涉吳會訪錢唐大竺靈隱諸峰已復走徐青歸新河
數日又去出居庸循太行而西窮關陝澤潞諸邊塞其
在井陘嘗居龍窩寺瓶粟罄矣寺僧厭苦之生曰僧母

窘我我試繪一小圖持至市中當得粟已而果鬻粟五
升伺粟不盡不更繪而市人爭欲得生繪則日擔粟詣
寺門相賂生不能堪乃避至城外一山樓樓依岨陡絕
樵蕪所不至山鬼晝出侮人生坐卧其中第繙華嚴經
數卷足不履戶外者累月山中人疑為逋客將逐之而
生遂遊太原太原之逆旅人以生衣垢敝待之不為禮
會旁舍賈欲覓詩為其長者壽逆旅人以試生生即與
之詩復問生能書乎又與之書逆旅人始恨知生之晚
也而賈更製鮮好衣數襲遺生生佯受之而轉致其逆
旅人逆旅人愈慙感生復白衣其垢敝者長

去也西山棧道入西川遊峨眉山遊巫巴下荆鄂
於滄陽返於黃迂雲夢而北走大梁偶蕙鈞州酒肆而
鈞州有党中丞者得其所題酒肆中絕句詩強致之家
留數月復自宛泚襄過京山生所跨驢蹶於唐氏之淖
傾其囊中書曝之衢唐氏異生所為要與之飲食歡相
得也遂主唐氏一歲而行唐氏為刻其詩傳荆鄂間更
贈生二童子即生所呼為丹砂白石者生挾二童子轉
江陵登王禁樓讀其賦感昔賢流寓地有終焉之志始
生數年前嘗至江陵居城西開元觀故遼王奇其詩名
謁便殿語不合一夕道去去數年復來生老矣乃依其

九子宋鯨耕天鵝池之石田歲穫穀十斛生以其半易米雜菽炊日度一餐稍羨則盡以給酒費晝夜哦詩不絕口是時吳人徐某為荊州太守聞生高自往物色之生始匿不欲見太守至再始見明日生戴紫篲冠衣皂繒衫報謁据太守上座太守侍人竊竊私語曰客顯妄亡知太守奈何輕威也久之往來解中而太守之察吏奉太守意皆浮慕生為謬恭延致之生揣其無實終不肯往太守為生授室城中從天鵝池徙之居約以他日凡訪是日太守偶先有所往經其門而遲及之生恚曰

太守給伐也此臨其室生已健扉外不欲內太守太守令人穴其垣入見生方科跣席一藁僵偃膝下太守

笑曰若欲為龐萌耶瑯琊人將捕汝矣生起謝曰室無凡榻難淹尊官耳因索酒飲之薄暮而罷其後數年太守坐廢家居生在江陵念太守憔悴荼欲從之遊而貧不能從裝齎乃詭為羽人裝手持一鉢裹敗衲而行乞於途自江陵殊足數千里來海上海上人以為太守客遠來爭勞苦之而日持河豚酒享生坐一嚼而盡明日見持河豚酒者不為謝亦不知為誰其後持河豚酒者遂不復至而海上主帥郭公者亦以太守故遣人遺之金為生壽生揮之曰將軍以貧士為金遊耶東海若


清江雜記
我矣幸使者謝將軍時太守欲買田舍生于海上而蘇
其性骯髒不能諧時俗人不復彊也居三月別歸江陵
生歸太守囑之曰江陵難將作矣蓋定計審處之生頽
之而去其後二年遼王果坐不法廢比奏當成而遼王
之客亡得脫者生嘗為遼王土客而又為人倨卒以捐
介故不及于難後遊石首為少年所窘卒發憤去因童
髮為頭陀不知所之贊曰昔孟襄陽以詩窮願藉與荆
州張長史藍田王右丞游二人嘗薦之玄宗朝即不用
而襄陽之名以附青雲益高生五言詩有逼類孟襄陽
者如閒居云平生欲殺馬不識孟嘗門清明川海上云

一孟寒食酒東海吊田橫其清婉悲激非近歲布衣
可儷也及考其游跡幾遍天下囊中惟一錢自隨以是
所至數窮餓即窮餓不肯輕見一貴人即貴人自見之
意稍拂竟掉頭去不復顧世方指為異物誰復傳其詩
至石首之事尤彌甚矣然非其所自取徒以羈旅故為
少年所乘此韓淮陰他日召而賞之者何遂憤懣逃
世太史公稱獨行之士空室蓬戶咀藜菹褐不厭死而
已者豈斯人之謂歟

論曰余過黃之孔子河顏子港輒流睇興喟久之載讀
何氏志聖轍孔子至楚則子西所稱賢弟子為子貢顏

回于路宰予乃檀弓載孔子將之荆先之以子夏申之以冉有信四科之士從之是楚固孔子過化之邦故張楚者謂有鄒魯遺風或謂易詩在楚而僑寓諸賢得興起芳風以重其國有繇已語曰山有木工則度之君子之至于斯也身往矣乃此邦之人稱道不輟至有信耳傳會詡張人文其好德秉彛然與夫人逸焉詐德或出或處焉往弗有聞于世人亦有言乾坤者萬物之逆旅仁義者先王之濊廬生民皆流寓也玩媮優游罔以自見殆與飄瓦轉蓬等孔子居魯居宋居九夷蓋得其道矣戴仁而行抱義而處法可鏡焉毋而自棄于孔子也

湖廣總志七十一卷終



八 通

沈氏續志卷

五

沈氏續志卷

